

第四册

列傳三 忠烈

列傳四 忠義

列傳五 孝義上

列傳六 孝義下

列傳七 人瑞

列傳八 一行
方技

增修諸城縣續志

四册

列傳第三 增修諸城縣續志 二十四

忠烈

咸豐庚申南匪告警闔邑奉檄辦團辛酉丁卯兩亂皆能制梃撻賊保衛鄉里守土者且假眾力以挫寇鋒而固危城卽力竭授命又皆能慷慨不貶節吁烈矣朝廷褒忠賜卹廕其子孫復立祠於黌宮之側俎豆馨香忠魂得慰矣紀忠烈

臧佩瑤字希舟少勵學以經古第一補諸生性慷慨喜施與朋友戚族貧乏者貸之不責償與兄析箸悉以沃田歸兄而自取其薄者族弟偉千驥千鳳千貧無歸皆為娶妻給田宅其諸善行多類此咸豐辛酉率眾禦賊

增修諸城縣續志 忠烈傳

戰死

恩卹雲騎尉世職子俞臣舉人聊城教諭濟臣翰林院

侍講

邱澹功字力堂幼聰穎苦讀書以府試第一入邑庠鄉

試屢薦不售遂絕意進取自奉儉約而見義勇為祖塋

被水冲齧損貲遷墓又別置一地俾族中貧乏者遷葬

焉乙未歲祲出粟賑族鄰全活甚眾事親孝父患風痺

日夜侍湯藥不遠百里延醫母張晚年多病移榻卧側

聞警歛卽起問痛癢三年無倦容親歿澹功年已週甲

猶作孺子泣幾滅性少與弟澹凱同硯席友于甚篤凱赴新泰訓導任臨別執手歔歔泣數行下月必策蹇省胞姊曰吾數日不見即不能釋然於心也每歲暮出粟給族衆負欠者悉焚其券鄉里皆目爲善人會行鄉飲禮舉大賓援例就布政司理問辛酉秋南匪至率練勇及二子三孫禦於要隘衆寡不敵同遇害時年七十三入祀忠義祠世襲雲騎尉子桂芳早卒桂芬字香初監生孝友遵家教少苦讀解析經義多啟發辛酉率子方熙方照方爆從父禦賊父被戕桂芬呼號救護與三子皆遇害俱祀忠義祠

增修諸城縣續志

忠烈傳

一一

桂苾字薌林優增生性謹厚博學工文受知於知縣周王福爲梓月課文以傳尤篤內行幼失恃哀毀如成人事繼母孝辛酉從父禦賊父被圍冒刃翼父力竭被執不屈死入祀忠義祠

鄭然字季諾候選從九咸豐庚申聞南匪警邑令勸辦團練然素有胆勇以兵法部勒丁壯曉以忠義故閭邑練勇以然爲最勁辛酉三月賊竄渠邱河上然率千餘人禦之賊越境南下八月賊由沂再至然復率衆禦於枳溝鎮賊隊合圍然力戰身被數創大呼鄉勇曰我死矣累爾衆將若何衆誓同死戰愈力殺賊數十人以衆

寡不敵力，竭遇害。同時與然團練者有李衍、珉、練、勇、數百，與然爲犄角。賊至，禦於涓水東岸。鄰村賴以保全。管澤浩諸生善射，辛酉秋，擒匪東竄。時與叔鉅循築石隄於小峨嵋山，爲鄰村避寇所。八月初六日辰刻，賊蜂擁至，逃難男女絡繹於道。生死在呼吸間。澤浩挾弓矢率衆馳下，扼要隘，迎賊馬隊發三矢，三騎應弦倒。賊稍卻，未幾賊步隊持竹筩丈餘，比翼進。澤浩奮臂直前，賊併力叢刺，矢盡弦絕，猶持弓奮擊，無憚容力盡而蹶。遂遇害事聞。

賞雲騎尉世職入祀忠義祠時年甫三十一

增修諸城縣續志

忠烈傳

三

王海澄字靜源，前志嗣繁孫。嗣繁與子歿湖北，不能歸。喪海澄年十六，隻身返謀於從叔欽瑜。欽瑜予金及僕，往返六千里，始得歸。葬既而盡，推先業與異母弟。而自往日照，從外家學。因家焉。三年入邑庠，嘗與同學生共試濟南。同學生病疫，海澄不入場，親爲服役。卒以其喪歸。日照人義之。辛酉春歸，爲相州鎮團長。從知縣崔瀾禦賊渠河上，時諸團多憑險守。海澄曰：「賊不大創，不能退。乃策濟河與賊戰，斬百餘級。賊遁去。海澄被數創，所部死者十六人。海澄與十六人之尸還，徧歷其家，厚卹之。視其殮而哭之，痛極創裂。卒年六十，有四鄉人立祠。

祀之而以十六人者從事間

詔祀忠義祠廕一子主簿子恩楫當襲廕讓其弟政楫焉恩楫伉爽有父風幼失恃事繼母能得其歡心辛酉海澄歸相州恩楫佐日照進士李伯忠築砦成山以守賊不能攻鄉里賴之以歲貢終所謂十六人者劉可羣劉大當池奎杜大存朱參袁普袁廷福姜連山吳培芳陸長文楊俊邱中安解崑玉崔世信王瑞貞粟光彥光彥海澄僕也尤果銳執幟先陷陣賊戕之甚其尸獨不
完從弟雲湘

雲湘字書田代海澄爲團長與兄夢齡弟海鵬築相州

增修諸城縣續志

忠烈傳

四

鎮爲堡秋八月賊至列陣五里外將攻堡會陰黑雲湘等夜總壯士斫賊營賊驚逸渡淮陷於淖被擄數十人藉得逃脫丁卯大兵圍賊登萊趙觀察籌餉至相鎮見雲湘海鵬奇之委以餉事雲湘爲備芻茭餼糴轉輸無缺事平議敘雲湘五品銜海鵬主簿用初知縣崔瀾重雲湘稟巡撫給札許以軍法治鄉兵雲湘祕之團徹然後出之或問故雲湘曰鄉黨宜結以恩信且安保同事者不藉此脅制乎聞者歎服年七十五卒

其燬心辛酉

劉宇采以兩淮鹽知事告假省親值辛酉亂團練鄉民

禦賊力竭死祀忠義祠世襲雲騎尉

鍾耀青諸生辛酉秋南匪入境被脅不屈遂遇難

鄒梅少習拳勇有膽畧辛酉春與子爾炯率團勇五十人防賊於渠河東岸時居清明節賊踞戴家莊擄掠婦女令裸體作秋千戲梅聞之背裂髮指率勇突攻其巢殺聲震天救出難民甚夥奪獲馬匹器械無算斬首四十餘級生擒賊魁梁姓獻邑令斬之秋八月賊復至父子率眾逆戰眾寡不敵同遇害

王希果有膂力練勇稱最辛酉亂鄭然以書招之率勇至棠莊聞然敗退守岳莊賊至圍之數重希果率勇突圍凡七出入最後賊張大旗且蒙且刺希果自刎子煥

增修諸城縣續志

忠烈傳

五

章奮力獨戰賊醢之妻女子婦俱罵賊死入祀忠義祠張鴻瑞字雲卿戊午舉人辛酉圍練鄉勇與賊戰眾寡不敵身被數創死父榮林堂兄鍾祥子子醇同被害事

一聞贈都察院經歷世襲雲騎尉

張桂齡監生辛酉偕弟松齡辦團禦賊兄弟同死桂齡

子洲松齡子淇泳雲皆殉難

陳心田武生辛酉秋率勇赴苗家溝東嶺禦賊力竭被

害

董兆晉辛酉亂持佩刀殪數賊旋被重傷臨歿猶喃喃誓為厲鬼以滅賊子溥年十九亦殉難

張師斫郡庠生教授生徒多所成就庚申聞捻匪騷動
囑門人宜早爲謀因散粟練勇辛酉秋捻匪至師斫率
勇禦之衆寡不敵以身殉同族師烜郡庠生仲甫邑庠
生亦罵賊不屈死

張毓思象森孫賦性闊達庚申聞捻匪驚擾聚鄉人公
議築堡散粟練勇辛酉八月五日捻匪至時修堡未成
毓思負母以逃被賊執賊愛其魁梧脅之行不從以刃
逼之終不屈遂被害

李衡福諸生辛酉秋賊由邑東北竄慷慨誓衆追至黃
疇東坡力戰死之祀忠義祠世襲雲騎尉

增修諸城縣續志

忠烈傳

六

曲棨辛酉亂與鄉人拒賊李萬全者素勇敢棨與迎擊
立殺三賊皆被害

邵福兌居三官廟山莊丁卯寇入山福兌偕其弟福欽
福喜福啟桀石拒戰同時殉難

梁繼閔家常山下辛酉亂糾鄰村於山巔壘砦爲保衛
計每警至響礮爲號近村聞之齊登山丁卯賊猝至繼
閔急然礮礮裂碎顛死

甯煥素勇敢辛酉八月捻匪至率鄉勇禦之伏茂林中
伺賊逼近噪而出賊驚逸奪馬數匹無何大隊掩至煥
勢孤不能支爲賊所殺

丁克寬辛酉八月率鄉勇百餘人禦賊力戰死

譚維鉞辛酉率族人百餘擊賊於村僻要路賊至力戰

死詳前孫錫銘辛酉擒匪至隨父元龍叔元默元庶禦之賊四

面圍攻錫銘率村衆戰不勝全家遇害錫銘怒憤死

丁士智辛酉亂保鄰村婦女數百渡灘士智殿衆皆渡

士智陷賊死支卒斬同里財辛酉陷賊死而

宋楨圍練禦賊死郭塍及從子鳴鸞隨楨禦賊衆潰賊

還鳴鸞爲負繩塍罵曰誰從汝鼠子者賊並殺之

袁廷富辛酉春約衆禦賊渠河北岸廷富連發火槍斃

增修諸城縣續志

忠烈傳

七

賊數十已而賊麋至衆潰廷富戰死子成刺賊稍中馬

後不能拔同被害

郭錦丁衍坪金泰王德訓辛酉禦賊被殺

王德成劉世文李海同里俱辛酉陷賊死而海獨大罵

賊死尤慘

房淮農人辛酉秋被南匪裹脅裂恥怒罵賊怒亂刃砍

之子雪林伏背哀號並遇害

李河清爲清兄弟友愛飲食起居常相共辛酉春擒匪

至兄弟共奮勇戰賊於浯河之陽賊大隊至兄弟皆被

執罵不屈同遇害入祀忠義祠

人樂銀代彈衣

李晞辛酉秋與賊力戰被執不屈至死罵不絕口入祀忠義祠

李樂山辛酉春南匪至與族兄良田率衆禦於渠河北岸賊不敢南下旋竄去秋八月賊大至衆懼而潰樂山

良田力戰死

劉珺純樸知大義年六十八值南匪至仗義責之聲情

俱壯賊以刃加其項無懼色遂遇害子春田負母遇賊

罵不屈亦死之

祝用觀辛酉秋督率團勇禦賊力竭陣亡族人相可同

遇害

增修諸城縣續志

忠烈傳

八

牛照顯衛耕堡帶勇隊長也辛酉春捻匪擾東境照顯睹賊殺戮狀恨爲村氓不能殲除醜類誓曰若賊再來定不與共戴天日秋八月賊至盤踞堡之河北照顯帶勇襲之衆寡不敵力竭被擒嚼舌罵賊賊支解之至死不屈年四十二

陳元喜辛酉秋擒匪至同鄉人禦之甫見賊衆即潰元

喜被執罵不屈遂遇害

李晏峯監生辛酉秋擒匪由日照北竄道出南北溝溝

狹而險晏峯與從兄六吉鄭廣汶李默臨鄭鈞等策衆

禦之殺賊甚衆力竭遇害鈞字和庵從九職年已七十

有三殺賊尤勇死最慘

丁惟寶字楚書辛酉禦賊死著一草亭詩盡歸劫火
隋元塏監生性慷慨見義勇爲鄉里重之辛酉秋率鄉
勇數百人禦賊村外賊猝至練勇戰慄元塏與子振鏞
奮臂直前衝賊隊格戰逾時被十餘槍而卒子女俱十
餘齡同遇害入祀忠義祠

李寵七吉村人辛酉亂與子鈞榮鈞祿同被害詳載烈
婦李清晏妻王氏傳

崔繼光幼好學家貧去而爲農性至孝生有勇力母歿
日累土修墓無間寒暑三年成高塚嘗手刻勸孝詞於

增修諸城縣續志

忠烈傳

九

瓦置神祠內里人傳誦之辛酉擒匪至團練鄉勇布田
車爲陣載石以擊賊直衝其鋒賊懼請和不許斃賊無
算後又與賊戰於膠州之西鄙寡不敵衆力竭而亡同
死者張立基崔甯王法武崔廷棟于宗雲李恒業遼光
明諸生王俊民樊維

王作書素剛勇與其族王石兄弟誓殺賊賊至藏婦孺
於枳園中率衆馳逐奪其旗移時賊大至作書首先奮
呼直衝其陣甫交鋒槍半折急取木梃堅且重揮如風
石等與衆隨之酣戰半日力竭皆死作書與石等閭家

殉難

增修諸城縣續志

九

忠烈傳

孫濟幼善醫鄉鄰有求者無論寒暑晝夜必親往辛酉二月擒匪大至舉家被執濟罵賊不屈身受重傷體無完膚遂遇害時年八十二濟於全十續林八民誌謂此秦符丁卯秋禦賊被執罵不絕口賊怒縛諸樹上氣絕罵始止同時死難者有馬宗楷吳懷本吳繼本人翁娘孟傳祥辛酉督勇防賊遇害時年四十六祀忠義祠世襲雲騎尉定文至天翼不詳口

苑清吉性剛毅辛酉亂練義勇得百二十人八月初六日賊突至清吉奮勇戰自午至申面中數鎗裂衣裹之戰不息後身受洋砲傷遂被執賊喜其勇招之降清吉

增修諸城縣續志

忠烈傳

十

怒罵之賊怒刺數十槍至死罵不絕清吉族弟清和清忠揮刀殺數賊並遇害自中面中雙鎗裂衣裹文丁強太丁卯冬遇賊賊再三脅之終不屈乃裸其衣鬻割之烈火炙之至死罵不絕口

李曜桐辛酉春禦賊河口力竭陣亡時年二十八疏般才智野老也辛酉十月南擒突至倚杖邨外以俟賊聲其罪而痛罵之賊顧而笑繼以杖擊賊額賊怒殺之趙廷璋辛酉亂修堡資捍衛保全十餘村八月擒匪北竄率鄉勇禦之力戰死同死者十餘人廷璋時年六十孫日昇武生辛酉八月五日率鄉人與賊戰力盡遇害

子仲堪附貢生痛父死於賊倡修義堡同治丁卯擒匪
至保全者數十村酉婚突資團練八月燬突至隊黨率
邱淑閣性剛直膂力過人丁卯與賊鬥死

王景浦性豪邁尙氣節丁卯擒匪至挺刃向賊斃二賊
賊大至遂遇害九月燬突至隊黨率
王建勲性剛勇辛酉擒匪入境率所練鄉勇往枳溝鎮
防堵力戰死
張毓裁少負氣節辛酉亂倡首出粟練勇防賊因衆寡
不敵身被數箭而死

李實庠生辛酉亂聞服兄寵練勇於七吉村與兄守奉

增修諸城縣續志

忠烈傳

十一

父清玉往依之賊至逼其父實與守力戰遇害清玉獲
免守嘉義知縣清淮第三子也

臧伯棠監生辛酉八月率子炳曜孫成均鄉勇百餘人
禦賊賊索金不予被燒死炳曜成均皆遇害

王奎芳及弟埭芳率族衆禦賊殺賊十餘人寡不敵衆
兄弟遇害母敷氏罵賊死奎芳長子鍾嶽婦孫氏次子
鍾崗三子鍾崎婦邱氏孫一孫女二皆同日遇害

李桂華增生年三十三禦賊死

徐紹勲附貢生辛酉散家資團練八月賊突至紹勲率
鄉勇馬宏烈等數百人戰於下泊村被創死子康田心

田玉田養子成皆遇害鄉人死者百三十餘人事

聞給雲騎尉世職

李昱少有氣節好讀書與人言輒以忠義相勸辛酉率

村人禦賊賊厲至衆寡不敵遂以短兵相接大呼曰此

吾盡義時也身受數刃死

李九齡監生辛酉南匪擾境衆推爲無忌村堡長出粟

數百石練鄉勇八月賊攻堡率衆出戰遇害李應塾李

禱高孫可元可元從子永吉永花永清李光彩光彩子

岱高孫樂桐丁大由李念高監生李應藩皆死之岱高

負光彩樂桐執刃戰且走不能突圍父子祖孫環抱死

增修諸城縣續志

忠烈傳

十一

大由李學高僕也負學高子樂拔奔遇賊索金不得將

殺之大由曰主人以少子託我若必殺之願以身代出

袖中刀自刎賊舍樂拔圍應藩念高數重以利刃折應

藩槍猶持斷槍門其色不撓可元賊至時率衆逆戰殺

賊數十百人堡陷保老幼走灘上黑旂賊圍之可元體

無完膚血流至足殊死戰子鶴齡永華永富突圍救之

出數日乃死

應塾諸生性爽直喜施濟弟應垣析箸後家資蕩盡得

噎疾招與同居供薪米湯藥道光十六年大饑邑令劉

光斗委勸富室捐粟活人甚多咸豐辛酉捻匪至率勇

逆戰料衆寡不敵退守堡賊猝陷西北隅入族衆多死
應塾愀然曰身爲堡長而令鄰族罹大難何獨生爲具
衣冠投火死時年七十八子寶鑄見孝義傳

禱高九品壽官慷慨好施事親孝謹迎養胞叔父母終
其身歲凶出粟賑饑多全活辛酉充堡長賊攻堡堡潰
率衆巷戰與孫允勲從子樂莘皆遇害鄰族聞其死聚
哭數日時年七十三入祀忠義祠子台垣見孝義傳一
寶錫躬字蔭棠附生善書醉後揮毫別饒天趣辛酉捨
匪擾境練鄉勇築堡爲備遇事公正人多信服八月賊
至搗子嶠海鏡海率勇戰不勝賊圍之數重喜嶠海年

增修諸城縣續志

忠烈傳

三

少有勇力欲擄之錫躬罵賊死嶠海謂弟鏡海曰汝歸
養母吾必爲父復讐陽許從賊匿刃入賊隊尋殺父者
鬻之復殺數賊而死

王樹屏庠生辛酉秋與弟樹聲遇賊不屈同被害

恩卹世襲雲騎尉

臧華南監生偉幹負勇略咸豐二年邑令委督城工不
辭勞勩辛酉亂鄉人推爲練長躬先士卒冒矢石督戰
子姓死者無數華南以身殉入祀忠義祠

陳廷相性孝侍父疾數年色養備至課弟讀英年食餼
出資倡修先祠年饑出粟周族黨精痘疹科全活甚衆

辛酉率衆禦賊力盡殉難年七十三入祀忠義祠
王巖欽從九辛酉亂同滅廷顯率勇禦賊與廷顯相失
力竭被害祀忠義祠世襲雲騎尉

孫立官將大泰衛

王爾垣歲貢博學能文章教授鄉塾成就人才甚衆辛
酉練勇禦賊八月初五日率勇防堵枳溝鎮與賊戰衆
寡不敵遂遇害祀忠義祠世襲雲騎尉

王姓林王縣

翰林院待詔劉子英州同徐振鏗從九張師阜張毓昔
于澄單胤臧耀焜張永泰張師專張憲薰張師房王鳳
文王範歲貢孫錫蕃庠生董繼烈張師炆張師景張師
匡王文純王紀方臧伯挺張師煖王立堂王子齡監生

增修諸城縣續志

忠烈傳

十四

張師臻鄭錫崗徐懷鉢張輝亭劉朋來張毓勛李殿掄
武生劉冠甲千總劉松齡團長王壁光劉渙鞠桂房元

孫寶祺崔繼炳楊塿丁錫端臧在楊懷玉王漸遠王兆

椅王垂庫臧伯棣丁懷楨高德圻高法圻臧璿慶徐芳

田徐康田徐義田徐大成徐大善徐錫善王汝枚王維

坪譚龍甲陳魯墀王鍾筠王鍾年王星海王鍾欽王長

春王坤隨孫慎林起祥陳得魁郭萬年郭升刁鳳吉王

永祥王清林王鐘至王萬春王松林孫立言孫大泰衛

廷盛郭相題郭林郭朋李梅王慶福王永和王清平王

鍾實王世椿王青雲孫建椿孫悅和王記郭永山郭斗

郭有齡楊福丁友域產密臧筠臧佩瑣臧佩珩臧佩璋
臧偉堂臧偉仲臧學詠臧學詎臧學諫臧學詡臧銷臧
吉臣臧泰臣臧元臣臧鵠臧敬臧政臧著傑臧仲傑臧
咸和丁克電張潛張浦張淇張潤鄭溱鄭洧王伯祥張
懷德張懷玉張正翹李增均於辛酉年禦賊被害入祀
忠義祠

朱天增朱根孫荆南牛元錫楊洛源劉學文劉泮文劉
平劉天增劉坦劉喜劉興劉保劉會文劉訥劉重劉大
瓊吳百祥楊繼漢王四戴振清趙鳳桐常新劉杲劉樂
浦劉傳劉德經胡文階朱縉趙萬里李興王溪清楊克

增修諸城縣續志 忠烈傳 五

溫楊萬章楊萬青劉梅劉孟泰劉文王廷森高申王錦
海王錦田封錦山李隆李大福李木匠李有徐大來邵
二庫吳存剛存乾存漢作純彥那海齡夢齡格 一家閭
朋喜李榮華孫世貴李玉章邱椿吳楂王封袁燧單七
十邱爲心孫吉孫平章孫鐸邱方燧邱方照逢嘉讚逢
鈞澤逢鈞浴逢靄德臧培業劉灼臧陸海臧敘臧敏臧
偉敬臧福齡王淑猷吳二月臧恒臣臧有臣均於辛酉
丁卯死賊難
介賓單仲舒鄉團王赫孫鐸范永盛劉全德常福盛弟
福榮福興文興均於辛酉年禦賊死

列傳第四

增修諸城縣續志十五

忠義

辛酉丁卯兩難捐軀赴義者悉載忠烈紀矣其捐貲倡辦團練鳩工築堡衛鄉里者皆見義勇爲不辭勞瘁雖與以死勤事者有閒而當時資保障事後頌勤勞德澤及人不容沒也紀忠義

鍾樞監生勇於赴義辛酉亂捐貲修堡一村賴以保全孫瀛候選州同辛酉丁卯兩亂出貲團練築堡保衛鄰里奔赴者數百家糧草不繼者助之卒年六十九

丁同顯字懷西性沉毅有才畧好讀兵書辛酉亂入山

增修諸城縣續志

忠義傳

修砦遵古法備插石練勇有紀律度寇來徑嚴防禦故藏馬山前得免於禍丁卯又亂屢挫賊鋒被虜者必率勇奪回賴以全活者甚衆郭統領率師過境勸其隨營以母老辭與同顯同辦團練者有陳仕亭仕亭年逾古稀性樸誠幼從其兄庠生松亭讀書明大義兼多智畧辛酉捻匪至與丁同顯練勇防禦八月三日在西山口防賊偵賊來路率勇伐松木植柵寨賊夜至馬不能行鄉勇由間道出奪馬二匹賊遁救護多人丁卯又在藏馬山修砦保全難民無數東南海濱練勇有紀律者莫仕亭若也同時練勇禦賊者董邦孚張玉敬董書林管

澤野董撰杜漢奎皆能保衛鄉里而邦孚名尤著

王駿聲介寶性剛直多義舉辛酉亂土匪蠡起出貲練勇千餘人製槍礮修砦於雙頂山上率勇晝夜巡防至廢眠食賊來往山下六七次不敢逼近四十餘村賴以保全卒年八十三子夢齡歲貢生錫堂庠生

張弒勝水鎮人鎮故有河不可隄防辛酉賊退弒相地勢於鎮西偏鳩工築圩州同卜廣泰捐置器械逾月工畢弒尋卒丁卯再警王錫書因其基掘之四面引河注爲濠復伐木塞巷口選丁壯輪守賊初至攻之出礮轟擊賊驚走後賊屢至官軍尾之終無害

增修諸城縣續志

忠義傳

一一

徐硯田監生性樸誠辛酉春捻匪擾境與弟墨田及王維周王鎬彥等糾數十村築堡於淮盧交滙處八月賊至數十村得全活而心力交瘁積勞成疾矣丁卯捻逆又至硯田聞警嘔血數升泣謂其弟與子曰修堡防賊惟王維周足倚汝其賴之言訖而歿年六十有一

劉丕烈字曉園附貢生辛酉丁卯捻匪兩次犯境助邑令守城日夜不怠邑令賴之城北河岔村係丕烈別墅四面距河林木茂密乃借與八台四十餘村爲避寇所村人共伐其木築墻以守諸村賴以保全後以守城功

保訓導卒鄉謚貞穆

祝奎光諸生性剛毅好排難解紛歲庚申奉檄團練邑令舉爲四練總長以兵法教子弟竿木居然勁旅辛酉春寇至結砦石龍山隔河以陳賊撼之不動懾而退秋又至親率死士屢挫賊鋒僧耶過境見其部伍獎以八品頂戴寇退郡縣上其功獎六品銜

增修諸城縣續志

忠義傳

三

張勤農人也辛酉秋避賊見賊逼一婦上馬婦哀求不許勤怒驟奔刺之賊落馬死他賊追逐勤奔至涓河西躍丈餘高岸得不死後被虜逃歸者云勤所殺者賊首楊四也

姜夢弼諸生有胆智辛酉八月擒匪自其村東掠入夢弼促逃難者西行自率百餘人禦之擇松林密處分布爲疑兵賊不辨虛實遊騎邏之夢弼俟賊近驟發一礮人馬辟易數十步相持半日賊終不敢逼鄉鄰多賴保全卒年八十

王璽玉孝友好義道光丙申歲饑出積粟振貧乏辛酉

春賊至約鄉衆伐木爲寨凡避難者皆授以薪米復糾壯者數百人防賊浯河濱支粟五十餘石以供食用積勞驚悸成疾卒年五十三弟瑛玉武生倡義築堡鄉人賴之

徐殿傑監生鄉飲大賓辛酉歲聞捻匪北竄捐貲築堡大耳山上八月賊至練勇千餘人拒之潮河南岸度力不勝入堡守出積粟與衆均食晝夜巡防不息全活者萬餘家以勞得疾卒

董樂中性樂施與族有貧者輒卹之辛酉亂與胞弟仁中練勇禦賊同治丁卯督修黃山堡賊至困之四日一

增修諸城縣續志

忠義傳

四

夕捕賊奸細戮之未二鼓賊突入堡衆瀕潰樂中率衆力擊挫其鋒賊始退積勞成疾逾年卒鄉里哀之

張畿字里千號極園性篤實樂施與事親克孝以謹厚教子弟課耕讀循循有法排難解紛人多敬服或有競口角者望其至即散去道光甲午邑大饑出粟徧給族黨賴以存活者衆辛酉春賊匪蹂躪同胞兄哂族兄哂督修圍堡未浹旬而功成賊至率衆力守晝夜巡防鄰村皆免於難以憂勞致疾卒年六十六子墨亭庠生謹

願遵父教

馮培基字松齋邑廩生少聰敏喜讀書辛酉春捻匪猝

至培基卒練勇三百人會王海澄禦賊渠上轉戰三晝夜賊西遁勞瘁成疾卒

王維周性坦易幼孤事母孝家僅中貲叔倬章無子維周雙祧所得產與堂弟均分姊適袁不自給迎養終身里有義舉必首倡之辛酉丁卯捻逆犯境與徐硯田等築堡於濰盧之間協力防禦數十村皆賴以保全硯田歿堡中諸務一身任之後卧病猶時以賊未殲除爲念卒年六十五

王禧霖從九品性坦易饒智畧甫成童失怙事母能順其心兩弟幼延師教讀俾成立辛酉南匪至鄰人趙景玉議築沙窩堡敦請禧霖爲堡長悉心籌畫賊屢犯獲保全以積勞成疾歿

增修諸城縣續志

忠義傳

五

祝祺讀書知大義慷慨好施同治丁卯南匪圍村堡祺督勇嚴守礮斃悍賊數人賊解圍去官兵過境倡捐米麩濟軍餉劉爵帥亟獎之前後築堡籌捐竭心力鬚髮爲白積勞成疾年四十卒

郭藍田監生亦以練勇築堡保全親族積勞卒

王作霖字雨亭監生家白龍山下桃源村生而肝膽義氣辛酉春南捻竄渠邱河上因防堵嚴未得逞作霖憂賊之再至也與鄰村孫彥卿邵執清管鍊等議築土埔

衛鄉里版築甫興於土中掘得銅印一長方約四寸篆文曰提控所印羣異之請於邑宰卽以提控名團執清持作霖券貸錢數千緡備器械練卒伍布置嚴密秋八月賊數至不能下丁卯亂亦如之執清性愿謹爲人正直作霖疾革以三幼子相託執清諾之事無巨細皆爲經理三子皆克承先業饒裕倍疇昔僉謂作霖有知人鑑執清壽至七十八歲

朱彩林監生鄉飲大賓辛酉春奉檄團練衆舉彩林爲練長彩林出穀數百石環村築土墉八月捻匪入境近村奔避保全者數萬人登萊難民自河上逃回彩林悉

增修諸城縣續志

忠義傳

六

助以歸貲且令練勇護送之次年夏土墉圯謀易以石工未竟而卒年七十八族孫熙文畢其事丁卯捻匪再至保全者愈衆丙子春旱且饑姦民嘯聚劫糧熙文請邑宰彈壓懲其魁餘黨皆散村人感其義到今稱之

徐奉璞監生兄鴻達邃於學早卒奉璞持家撫幼無間言辛酉春捻匪竄邑北境奉璞出家貲與監生宋文彩庠生徐齡徐侃徐孟助等築堡於三義廩八月賊至率衆守禦保全者萬家事平勤修葺廣儲蓄人笑其迂丁卯賊果又至攻圍五晝夜守禦不懈解圍去奉璞復襲賊於陳家屯擒十餘人獲馬十餘匹官軍追賊乏餉米

踴貴奉璞平價以糶如是者數次郭軍門嘉其功許列優保辭不受以六品功牌與之

王景雲字瀛仙監生性寬厚見義勇爲辛酉丁卯兩亂督辦團防築堡備器械幸衆固守衝冒霜露晝夜無倦邑東南境資爲保障卒年六十二

趙懷德監生好善樂施鄉飲舉大賓辛酉亂倡築門雞臺堡與廩貢生趙蘭圃耆資趙汝金司度支一絲不苟邑北境賴之

趙景玉不知書有幹濟才咸豐辛酉春捻匪至率衆堵禦步伐整齊其布置悉合兵法活水以南村莊賴以保

增修諸城縣續志 忠義傳

七

全寇退策其復至糾鄰村築堡以衛鄉里秋八月賊果至憚其嚴密不敢犯叙功獎六品頂戴

徐戴堯性忠厚和睦族鄰中年習醫求者立應不索謝辛酉亂爲潮河團長復領囊練勇家中落子金銘堵賊遇害仍督勇籌防禦無懈志

劉延齡有幹才辛酉亂協守城垣能製火箭噴筒數百步射入賊營賊不敢近

從九孫烈倡捐鉅貲修堡衛鄉里僧邸統兵過境復捐兵衣數十件邸帥以功牌獎其子

王霑諸生性孝友善解紛辛酉亂練勇防賊保全甚衆

年七十四卒

王煥章工詩有濟變才辛酉亂練勇防賊鄰里皆資捍衛

從九品李肇驥性謹愿丁卯亂與族兄金城姪監生明峻倡衆築尚義堡兩閱月而工竣擒匪逼近保全數十村同時有諸生丁豫貞臧鴻翔從九品范拙齋監生范守訥武生王振華逢應魁逢復在弟隨在皆倡義築堡練勇禦賊保全鄰里甚眾

增修諸城縣續志

忠義傳

八

王煥章工詩有濟變才辛酉亂練勇防賊鄰里皆資捍衛
從九品李肇驥性謹愿丁卯亂與族兄金城姪監生明峻倡衆築尚義堡兩閱月而工竣擒匪逼近保全數十村同時有諸生丁豫貞臧鴻翔從九品范拙齋監生范守訥武生王振華逢應魁逢復在弟隨在皆倡義築堡練勇禦賊保全鄰里甚眾

孝義補遺

邱讓字克遜輕財尚氣節好濟人危困倒廩傾囊弗之吝坐是家日索不免寒餒甚有負恩反面者卒不爲悔少有餘財復振贍如故性剛明善判人曲直遠近爭訟不決者悉來質正數言剖斷無不欣悅去每未旦門如市非求濟之寡人卽負曲無告者也尤不喜侈靡人有華衣履者咸避匿不敢見布衣粗糲終身安之邑大夫屢舉鄉飲大賓恥不就自少苦差役誓教子弟讀書爲門戶計諸子孩提時卽卧中口授大學中庸諸書始而躬自督教之繼延明師於邑中皆通經史大義櫛南京增修諸城縣續志

孝義補遺

吏部尚書太子少保謚簡肅列明史名臣傳桴恩貢生贈山西布政使

劉宏猷明季人性純孝母歿茹素三年每食必祭于塋明諸生孫之綽兄弟五人終身同爨之綽子廣士監生性好施有鬻子女者嘗出貲代贖之廣士子芳玉侍親疾親滌溺器芳玉嗣子八愷孫鑑遠鑑仁俱能以孝友世其家

丁連字印明庠生明崇禎甲戌武進士山西平魯衛守備大武長子大武抵任僅二年病歿貧不能歸葬副室黃有遺腹羈晉中四閱月生一男名曰官留有劉弁者

與黃謀權厝大武樞反百計挫抑黃黃鳴鼓撫軍署撫
軍懲劉弁母子始得還京師舍辛茹苦歷二十年連聞
耗急入京徧尋官留母子不可得行哭失聲感動行人
爭問訊有婦人聽於門內遽出細詰之失聲相向曰我
即官留母也遂攜入室以二十年苦况告之且曰官留
者以亂貧故繼於浙紹姨家白氏白又轉繼於何氏若
能以古人自處可往彼求之於是連淚盡繼之以血向
黃乞符信之必驗者旋里鬻產赴山陰求何氏果得官
留情神狀貌宛如其父兄弟北歸資斧盡而行乞連且
先飽其弟而後自爲食官留性不耐寒連夜引其足兩

增修諸城縣續志

孝義補遺

一一

肱之間歸里後友于備至鄉里呼爲義士

楊莊字公臨孝友富詩書明壬午之變兄隨大兵出塞
越數年聞復入京莊袒褐納履兩走長安沿街衢巷陌
徧索之三越月不遇灑泣西風還晚年構一草亭在叢
篁中額曰分綠歲時釀酒邀隣舍翁王咸炤徐田趙清
與其伯兄蕃蘊拈韻賦詩題壁上墨淋漓且滿暇日率
子弟爲文臨風朗吟捧腹以爲笑樂一日自野田歸苦
熱急趨道旁謂少憩溘焉逝矣莊長八尺貌豐腴天懷
坦率與人言充口而出無枝葉以誤中人悔之故訥訥

菴其別號也

大宛縣志百信姓縣黃黃朝楚將軍署

陶晉公邑之溫秦人也明壬午大兵東下城潰人鳥獸散晉公甫四歲母宋氏提之從姑出南門鐵騎突至踐及姑宋奮袂救陷於難早投晉公積雪中歷三晝夜晉公伯父被掠飲馬寒泉遇之痛失聲動彼馬上人馬上人提之復入城至華嚴寺東巷見一老嫗向火噉擲之曰好育斯兒兒失所來截汝頸嫗怖且喜欲私爲己有逾日晉公甦能歷述所以嫗仰天歎曰我有子被殺忍使他人之有子者復無子耶兵退襁負送伯父家晉公漸成立移居我樂村壬申家人羅酒漿爲壽晉公以手籠杯環顧家人曰是日何日生我者父母再生我者南

增修諸城縣續志

孝義補遺

三

城茅檐向火人也歲前經其地但有頽垣敗壁風蕭蕭萑葦數莖而已言已涕零一家盡涕零晉公卒遺子峻營墓雩泉北去墓門數武見土一坯冪歷蓬蒿下詢知爲程氏墓氏住華嚴寺東巷明末其子死亂軍中依女死依甥歿後埋骨於此峻伏地泣曰是卽我父所謂南城茅檐向火者也亟埽除設雞黍再拜祭墓石鐫恩母程氏墓再生男陶晉公立並續刊曰嗣是陶氏子若孫爲墓祭來者先程氏晉公志也

徐蔚字季修前志田季子幼聰敏從張侗學詩每月出側弁而哦移時不去常隨里巷小兒竹馬過楓橋擲石

爲戲石破映日成五色雲霞片片囊負之以歸甲申乙酉歲大饑季修盡傾所負囊製爲圭璧圖章易米供母母安之不復知爲凶歲邑貴顯經其廬必下曰此孝子徐季修居也其爲人敬重如此

張樞康熙己亥歲饑在勝水鎮襄辦賑務公項不給樞借族人輸薪米助之又嘗出田二百餘畝入濟貧院以育窮獨知縣羅廷璋顏其門

劉袞諸生性孝友父翼明司訓利津委以家政袞友于兄弟和睦鄉里有古道照人之譽子自新廩生孫旭東諸生俱有孝行

增修諸城縣續志

孝義補遺

四

王允楨喪父一慟幾絕勺水不入口祖父母強之勉進餐日漸甦羸繼仍不食不能支飲以湯葯則曰勿須此吾欲從吾父地下也遂卒時乾隆十有一年鄉人立石以彰其孝

李晴嵐字岫仙諸生慷慨有氣識見義勇爲全少尉楷者浙江山陰人嘉慶丙子抵縣典史任以疾卒於城北斜屋村縣尹朱厚賻之釐百金爲之殮而速之歸行至萬家莊幕友莫五夫婦夜舐其金並衣飾逃其配沈氏訴尹尹懲莫糾邑紳殯其櫬於野而寓沈於邑沈賦七律四章哀痛沈鬱諸紳見者皆矜怛復釐金五百兩爲

沈扶柩歸里資而護送實難其人晴嵐毅然請往諸紳
壯其行肆筵賦詩餞之遂以鹿車載沈及柩晴嵐徒步
行八驛抵清江浦易小舟晝則兀坐船頭夜聞警則手
劍擁衾跌達旦艱險百出閱數旬始達山陰召全氏親
族迎柩及沈訖出賻金及長途帳簿琅琅誦之其親族
皆感泣晴嵐復促爲全尉卜葬畢杖一囊乘夜去沿途
告貸步行二千餘里鬚冰耀目征塵撲頭及諸紳得全
氏親族答謝書及沈筆記歸途事皆相顧歎服乃以沈
哀辭並諸同人詩賦彙爲一編名曰冰雪吟沈氏之苦
節及晴嵐之高義並垂不朽矣晴嵐能文章工詩畫晚
年家益落昂藏七尺俯仰千秋其性行類如此

增修諸城縣續志

孝義補遺

五

瞽孝子石大有爲父廬墓母與妻居村內一夕母爲饋
食雨阻不歸語大有曰爾袴已澣適忘攜來一朱姓聞
之至更深僞爲大有入室索袴而逸比母歸妻知被誑
大哭自經死母痛婦亦經死大有聞之亦經墓樹死官
詣驗時見蛛網墜地下問村有朱姓否衆以實對拘訊
卽伏此康熙閒事有碑紀載甚詳碑久蝕惟瞽孝子石
大有墓七字僅存殆鬼神爲之呵護歟

沈扶柩歸里資而護送實難其人晴嵐毅然請往諸紳壯其行肆筵賦詩餞之遂以鹿車載沈及柩晴嵐徒步行八驛抵清江浦易小舟晝則兀坐船頭夜聞警則手劍擁衾跌達旦艱險百出閱數旬始達山陰召全氏親族迎柩及沈訖出賻金及長途帳簿琅琅誦之其親族皆感泣晴嵐復促爲全尉卜葬畢杖一囊乘夜去沿途告貸步行二千餘里鬚冰耀目征塵撲頭及諸紳得全氏親族答謝書及沈筆記歸途事皆相顧歎服乃以沈哀辭並諸同人詩賦彙爲一編名曰冰雪吟沈氏之苦節及晴嵐之高義並垂不朽矣晴嵐能文章工詩畫晚年家益落昂藏七尺俯仰千秋其性行類如此

列傳第五

增修諸城縣續志十六

孝義上

孝子義士有一節可傳者皆表揚之所以維風化而資觀感也辛酉丁卯兩難救親捐軀者皆不歸忠烈亦以教孝也人心誠樸可以風矣紀孝義上

臧檀幼失怙恃哀毀若成人歲時祭必親每誦歐陽文忠祭而豐不如養之薄句輒泣下年飢爲戚黨貸粟或不能償代償之且煮粥食人有鬻女者重價收養及歲豐畀其父嫁之而焚其券族叔儉遠遊不歸妻左氏無子殤爲營葬外兄邱于謨貧不能娶贈以婢得延嗣其

增修諸城縣續志

孝義上

一

好義多類此年八十五卒疾亟猶令人正其枕云

域字子正舉人尚氣節邑有大事以身任之不避艱險族弟維任長甯令代理家政數年不倦後以勞瘁卒甫庠生性孝友好施與弟里出嗣遠族家貧甚卽分己產之半予之道光乙未連年歲稔出粟活人甚眾卒年八十三

伯楫監生性仁厚好施與道光間歲大饑率族中贈足者量力出粟以資貧乏冬製棉衣給之凡貸其錢粟者悉焚其券鄉里至今稱之

吳家赤貧以經學教授鄉里臧氏故巨族吳以徵修族

譜爲己任奔走兩寒暑稿始就苦無剗厠資時族叔翰
官於蜀旻負譜就翰謀之譜得成族人義之
敷偉從九品端重有器識辛酉春助知縣崔瀾防賊涪
上賊不得渡屢出奇挫賊鋒賊奔竄秋八月賊又至防
守村堡心力交瘁柴米缺乏者按日周濟家素饒以是
頓絀敷偉顧灑如隱居課子禮法整飭里有爭訟者必
多方排解某甲以索逋與鄰訟敷偉代償贖俾和好焉
某因貧鬻妻其妻終日哭敷偉竭貲贖回俾完聚晚精
醫術施藥餌活人無算光緒丙子饑多方乞貸助鄰里
未嘗有矜色其陰行善事多類此

增修諸城縣續志

孝義上

二

奉文諸生親老病侍湯藥六年遂棄舉子業肆力於詩
古文詞性慷慨居鄉多義舉辛酉亂其親張氏子被擄
奉文出重貲募勇士尾賊後越兩月卒攜子歸士林重
之子垣臣已丑

恩科副貢

立中庠生父伯樸有善行立中恪承家訓事親孝友于
兄弟無間言仲弟夫婦歿遺子甫襁褓立中撫之成立
爲之完婚課諸姪讀書夜不懈寒暑從學者卻其束脩
兼助應試資隣某貧無行以詐財不遂將構訟或謂某
立中長者汝何悖謬如是某遂感悟其見重鄉人多類

此邑行鄉飲酒禮舉大賓卒年七十有二
來儀幼讀書應童子試辛酉秋八月擒匪猝至倉皇負
母奔賊刃及母以身蔽之稍中腹而仆旣甦母已被害
乃大哭一手引母尸於背一手抑腹創踉蹌至大樹下
創甚不能行以土掩母尸濡血書母死賊狀及掩母處
於樹上寇退家人尋得之昇入城痛母日夜號泣不絕
聲五日卒祀忠義祠

邱汝巘監生父詔卒母李氏苦節汝巘念母劬勞曲盡孝
輕財好義親故貧者調卹無吝色育婢年及笄即出賃
嫁之子二林登林碧謹守家訓年皆五袞侍九旬老母

增修諸城縣續志

孝義上

三

如童時晨昏定省必待母撫摩而後退兄弟同案食兄
不食弟不先也終身不析爨林登善解紛鄉里有鬪者
見輒慚阻以五經教授終

林碧天性篤厚姪在元七歲孤撫之如子及長延師課
讀俾成名精眼科歲製藥餌濟人貧者多主其家好周
人急負債者券蝟積晚年盡火之曰不貽子孫累也除
別墅名樗園與二三知己日涉其中好手談棊枰酒榼
外山卉野花翛然自適卒年七十八

錫鈺字其相毓英孫少聰敏讀書目數行下弱冠丁父
憂事母孝家貧廢學近族無賴者時凌虐之錫鈺忍弗

校子之田俾務農久漸化中年舉四子每恨讀書無成不能紹先業勵志訓諸子讀書則服勤隴畝夜則篝燈督課諸子偶假寐鞭朴交下風雨寒暑不稍輟性端嚴紈袴者咸望風避義所當爲必身任之本生高祖後裔濬川死於饑遺子四歲其母負出傭十餘年無音耗值祖塋被水衝齧售塋樹遷葬事畢餘貲數百緡族長議分存錫鈺曰濬川遺孤本生血食攸係忍絕之乎乃遣人尋其母子歸與以應得貲留養於家爲其子娶婦生子後爲置田廬俾異爨從姪某貧不能娶錫鈺收養之爲之成婚他如修先塋舉廢祀排難息爭族鄰莫不敬服年七十示微疾臨歿猶手正衾枕含笑逝

增修諸城縣續志

孝義上

四

錫鏐監生錫璐武生兄弟也性孝友父爲族怨牽訟數年病歿省寓瑤與璐哀毀幾滅性事母孝後以食指繁議析炊兄弟晨夕聚首不忍離辛酉亂糾族隣築堡倡捐巨貲三月工竣丁卯賊又至隣里悉賴保全焉

專儒從九品性孝友叔漢川一子早卒家貧無依專儒歲奉粟十餘石日必往省起居叔父母沒喪葬皆盡禮置地十餘畝贍其寡媳孤孫焉辛酉丁卯亂防賊出貲又出家中積粟濟遠來之避寇者卒年六十二子秉鑑任廣東羅定州巡檢清鑑諸生

清江事母至孝咸豐辛酉負母避難遇害

方煇監生少讀書辛酉亂父祖諸弟皆殉難方煇哀慟成疾幾死遂廢讀書母以孝聞居鄉尙忍讓義所當爲者必竭力爲之病危時鄰里醵金設醮爲之祈禱其素行感人如此卒年四十八

源淞父母早卒撫兩幼弟成人同居業農怡怡無間言忽妯娌不協欲分爨源淞曰吾弟羸弱不能力作一朝析業必致凍餒何以見先人於地下於是泣不食者數日叔嫂感動借言於前曰伯請食吾女流再言分居者有如日源淞喜進餐和睦如初鄉里每舉是以勸兄弟之參商者

增修諸城縣續志

孝義上

五

丁輿衡從九職八歲失恃父患枯疾左右侍奉衣不解帶者數年父歿葬祭盡禮事繼母孝精醫術廣施藥材濟人鄉里稱其德卒年六十八從弟監衡字佐侯亦以孝友稱以守城功議敘六品銜卒鄉謚孝愨

文衡從九職贈光祿寺署正事親孝兄弟友愛至老彌篤親友待以舉火者一周卹之堂兄倉猝歿無以殮文衡盡出已衣付之歿年六十五

錫珍庠生事親孝父歿一痛幾不起自此毀且病日待堂叔如事父數月叔亦歿歎曰吾將事父若叔於地下

矣一哭遂絕年四十九

統範布政司理問性好善有乞兒甫六歲憐而收撫之
爲娶婦生子同里姜樂南者孤苦無依周卹終其身族
姪濟寬貧中年無子統範爲娶婦得延嗣族人無力讀
書者爲延師給膏火卒年六十一子燧華兩淮鹽大使
瑞趾字子振監生前志希慧孫年十七失怙事繼母謹
母好施予設粥厥藥肆以濟貧苦有從叔某家落祠宇
廢遷其粟主祭於支祠養其眷屬三十年旣而出田宅
爲之立嗣置祠族黨無業者卹之又設義塾以訓里之
子弟咸豐七年蝗出粟易蝗子費數十石見人傳息訟
歌亟刊布以爲勸知縣周壬福仇恩注皆以綽楔榮之
舉鄉飲大賔乙亥

增修諸城縣續志

孝義上

六

制科舉孝廉方正以母老不赴徵年八十晨昏問視未
嘗扶杖入寢門年九十無疾終鄉謚端穆

錫純從九品幼孤事母孝從姪邦彥邦式家貧廢學錫
純爲之延師後俱成名年荒周文階賃山林二頃於錫
純後數年周貧甚跪泣錫純前曰乞少假山林一處得
伐其木以謀生不然舉家餓死矣錫純慨然出原券予
之不索其值周感泣去卒年七十八

毓洛字景伊前志錫齡子五歲繼於季父錫喆爲嗣錫

苗早卒嗣母王青年苦節毓洛晨昏侍奉無少怠能得其歡心嘉慶二十四年奉

旨建坊旌表節孝親朋咸走賀母賢子孝遠邇稱之兄毓淇鄉居相隔數十里毓洛每數月必往候怡怡聚首如童時招養族姪桓武二十年及其老病歸仍歲給粟生平好義多類此援例就同知加運同銜卒年七十七俊瀛監生父志庵嘗育寡人子爲娶婦使從丁姓而名以尙武志庵卒未葬會淋雨河水溢漂柩去俊瀛徧走海島求弗得病嘔血尙武隻身南行雜魚鹽中口一殮至海州雲臺山下有老父告以柩所視之審歸語俊瀛

增修諸城縣續志

孝義上

七

歸葬焉尙武現年七十七俊瀛六十一歲卒

邗彥優廩生自幼以孝聞品行端方文名藉甚訓後進多成就辛酉丁卯兩次修堡避兵燹悉心經紀鄉鄰藉以保全弟邗式庚午舉人幼從邗彥學師事之至老不倦居家孝友遠近無間言

漢渠事嗣母劉氏孝咸豐辛酉捻匪至漢渠負母遁途遇賊母遣漢渠奔漢渠泣不忍賊至欲傷其母漢渠請以身代遂遇害而母獲免

繼云家貧父卒瀋陽繼云乞食尋父骸骨歸葬之里人

稱其孝

繼和業儒以孝聞咸豐辛酉秋南匪至負母避山中賊突入母曰汝速逃勿我顧繼和負母不忍捨賊劫之母被害繼和抱母尸痛哭亦死焉

顯西慷慨好施咸豐間聞捻逆蠢動團練鄉勇親身簡閱辛酉捻匪入境糾族衆修砦藏馬山之葫蘆峪賴以安全者衆丁卯捻逆又至時顯西已歿族人邦彥等仍督工修砦避難賊不爲害皆顯西倡義之力也

遇善辛酉秋南匪至奉母避南山之南旋北歸入鄉堡襄圍務賊大至思母不能少留縋而出遂遇賊賊愛其勇欲招之誓不屈遂被戕

增修諸城縣續志

孝義上

八

不顯多義行因無子納妾入門泣不止問之云尙有夫次日遣之不迫其值役又納妾生子二人

發祥工詩文兄弟六人怡怡相居終其身不析箸鄉人重之同時丁廷檜丁振謨者均以好學樂善稱

璠性純篤樂善好施族戚貧老者養之終身歿即予以地葬之歲祔出粟周濟學使張顏其門曰一鄉稱善子廷耀字致遠監生敦信義重然諾文士來諸者皆依託之孫樸字文木慷慨有祖父風每逢義舉必身爲之倡藩司劉樊以倫常冠冕扁額

爲龔介賓母病十年日侍不離寢父歿後有族人持己

償券索逋爲甌慨然曰此券不退是我貽先子以負人名也遂以屋數楹易之既而得已償字據於篋中族人恐爲甌曰汝勿疑汝前券已焚之矣人稱爲長者年八十一無疾終

連泰監生有行誼嘗買一婢詢知爲世家焚券遣之鄰婦陳氏寡母弟竊鬻之券既成氏哭於連泰連泰叱其弟氏得終其節辛酉亂扶母避賊身被數創幸免於難姪心坤同逃難代負連泰母行數里又遇賊連泰曰吾母累汝矣可速逃心坤不忍去行數武賊麋至心坤被虜終不返

增修諸城縣續志

孝義上

九

雲翰監生年四十五無子納一妾詢知有夫有子立送歸後有子四人人謂善行之報

汝楠六歲失怙事母孝歲饑爲粥以食餓者又施藥以療病人鄉里欽其義公舉鄉飲大賓卒年八十五

建榮性純謹事親孝咸豐辛酉南匪猖獗奉札辦團練爲保禦計八月六日賊突至衆寡不敵防勇潰建榮負父以逃賊要之被執不屈死入祀忠義祠

王錦瑄 恩貢生慷慨好施道光間歲頻飢倡衆出粟數百石爲食於路活人無算

紹理監生幼失怙事母以孝聞道光丙申歲大飢倡族

人出粟賴以活者千餘家

鍾泰幼孤事母孝嗜讀書以府試第一人補諸生屢試超等晚年絕意進取精外科捨藥餌濟人同治丙寅與隋遴吉等倡義築堡丁卯捻匪竄境保全數十村有城宅一區鄰觀海書院適知縣重修書院欲廓其基增試院鍾泰慨捐之舉大賓卒年七十三

鉅前志元楷曾孫邑庠生三歲喪母事繼母孝繼母生兩弟鉅出就外傳繼母恒念之鉅遂晨昏奉養定省無間析箸後兩弟漸貧又將自置田產讓之居恒端方自守言笑不苟卒年七十八子華海郡廩生

增修諸城縣續志

孝義上

十

以鈐附生世居相州鎮後遷居五蓮山下三歲失恃繼母初性嚴以鈐曲意事之能得其歡父增慄以族姓繁衍奔走南北與族人議修譜牒數年迄未就病於旅邸不能言以鈐奔赴延醫醫云得生人血可瘳以鈐刺臂血付醫和藥進病稍愈逾年父垂歿謂以鈐曰吾修譜未成實恨死小子識之以鈐泣受命捐千金卒成父志父葬欲廬墓因侍繼母疾不得常潛至墓所號泣不輟一夜大風雨守墓者遙望一人入林中執火往見以鈐伏墓泣欲送歸以鈐止之囑勿言天性純篤鄉里至今

稱之

欽瑜前志元龜孫少烈弟欽珩年十八卒母思子卧病
欽瑜日侍側母令出屏息坐戶外朝夕入視母病三年
未嘗一日出性好施以嚴正爲鄰里敬憚有過者懼其
聞佻達者望其來輒避去遇有事急難解奔告欽瑜一
言立解之從弟欽祥喪妻有女週歲欽瑜代鞠之及長
嫁之伯父嗣繁爲暹山令父子相繼歿債累數百金妻
孥不能返葬欽瑜貨產備金遣老僕劉喜迎其喪及眷
屬比返欽瑜已先卒喜以頭觸柩哭曰老奴不憚數十
里冀可以存孤寡今其母子將誰依乎哭三日亦死

王楚金性慷慨馳驅名場十餘年不售遂援例捐巡檢

增修諸城縣續志

孝義上

十一

將謁銓以親老不忍遠離遂卸裝鄉人稱孝好施與有
貧乏者必周之爲人謀寢食俱廢排難解紛素爲人所
敬重

琿瑞善治生崇儉約視人有善行及能力作而家不給
者厚資貸之必使有生業然後已道光間出所積粟百
石食饑者咸豐辛酉出資築堡又出積粟爲公費數數
至賴以守禦與弟鳳瑞相友愛終身同居弟歿遣一子
尙幼琿瑞視若己子飲食教誨俾成立子汝器

汝器廩生候選教諭端厚有器度與人未嘗有忤色人
有過反覆勸諭務使改悔廣坐中有誹謗人及談人聞

聞者輒以他語亂之母嘗暑月病瘡膿穢薰蒸婢媪走避汝器與其妻臧侍左右三閱月不暫離母病良已再從弟汝嶠家巨富卒無子汝嶠母欲立汝器子爲嗣汝器以昭穆不當辭三強三辭之鄰人負債不能償債主將致訟汝器代之償鄰人不知汝器終不言卒年四十八舉孝廉方正未試卒

瑯慶前志應芬子幼孤克自樹立讀書外無他好積軸萬卷手自讐校尤以裁成後進爲務性淡泊不樂仕進援例選直隸州知州晚歲家居樂施予道光乙未歲大饑周恤孤貧設粥廠全活無數子家駿家驄

增修諸城縣續志

孝義上

十一

家駿性孝友嚴正不阿援例就中書科中書鄉飲舉大賓同治丁卯捻逆復擾修堡衛鄰里保全甚衆人咸謂其有父風子殿忠事父母備極色養母患乳癰侍湯藥年餘無少懈血出浸褥必親爲反側易之越數年父患瘋痺飲食動移皆需人殿忠左右侍未嘗稍離每如廁必肩負之當暑汗流及足無難色父母歿哀毀幾滅性弟殿恕以恩職授奉天康平縣主簿莅任甫年餘以事誑誤調省資斧乏匱遣使取給於家時殿恕家中落無以應殿忠乃質己產四十餘畝助之如是者再未嘗有吝色少力學遊庠以屢躋秋闈遂無志進取閉戶課子

皆有文譽卒年四十有八
家驄幼孤事繼母單氏孝謹繼母歿哀毀盡禮服闋援
例銓授荆子關縣丞關當衝要舊駐重兵多驕悍不馴
常白晝入人家肆虐家驄莅任後赴訴者至百餘人家
驄告其帥帥左袒置不理士卒驕橫益甚家驄忿稟上
憲嚴爲札飭民賴以安去官日泣送者數百人歸里後
治家教子杜門不預外事卒年四十有七

蕙溥附貢布政司理問銜少孤事母孝與兄同居終身
道光丙申大饑出積粟贍族鄰全活甚衆晚年多病航
心吟詠心益和平病遂愈鄉飲舉介賓卒年七十五

增修諸城縣續志

孝義上

十三

錫棠援例由知縣加同知銜以親老不仕侍父病五閱
月不解帶居喪哀毀骨立咸豐辛酉村人議築堡錫棠
首出貲爲族鄰倡知交某卒其子不能葬錫棠予田數
畝俾營葬卒年五十

永淑監生孝友樂施姊適李氏寡家貧迎養終其身道
光間歲饑倡衆出粟賑濟鄰里賴以完聚

學淵附生鍾瑞子輕財好義村東舊有義田學淵慮其
狹也復益地五十餘畝遠近貧無地者咸歸葬焉道光

丙申歲歉出粟濟饑活人甚衆年六十無疾終
元監生前志鍾瑞子性慷慨好施與道光丙申春大饑

煮粥濟貧乏活人無算飛蝗入境親督鄉鄰捕滅之勞
瘁成疾臨歿囑其子亟出貲購蝗子防其復生子文杏
文桂善承父志鄉人德之

文樞庠生性坦白好施族嫂孀貧無子文樞與之田爲
立嗣焉殷姓者鬻其婦已立券矣婦攜幼子赴愬於文
樞文樞償其金而收養其妻子一家賴以完聚辛酉亂
邑人倉皇失措文樞獨防要害練勇築堡鄉鄰十餘村
皆得無恙晚歲精醫學活人甚衆卒年六十有一
李世培前志杰子性慷慨濟人之急無稍吝兄世蔭暮
年貧困每周之有甘旨輒以相遺卒年七十一子肇驥

增修諸城縣續志

孝義上

十四

見忠烈傳肇驥肇驄皆有父風肇驄子寶齡

耀庠生候選同知性儉約道光丙申饑與兄燦燮各出
粟二百石爲粥食餓者活人甚衆年七十卒鄉謚孝穆
台垣庠生歲饑出粟濟鄉里南匪至督勇守堡保全甚
多卒年六十八鄉人謚曰孝穆

寶鑄庠生事嗣母孝父死於亂每道及輒泣下事寡嫂
訓孤姪委曲懇摯有負郭田數畝歲荒悉鬻以濟族人
居恆息爭訟訓後進以德化人捻匪之亂衆推爲堡長
練勇防禦一方賴以保全晚年修族譜置祭田舉節孝
咸任勞怨鄉飲舉大賓卒年七十五

純元父隣遊宦河南病歿無力輿尸純元乞戚族助奔走數千里負骨歸葬卒年五十一

綱前志文茲子弱冠入邑庠文茲卒蒙陰學署綱扶柩歸渡河梁騾足陷柩去水咫尺時方嚴寒水深二三尺冰浮水面利如刃衆號呼罔措綱急躍身入水伏柩下柩重數百斤以一肩直負而上無少欷側觀者驚歎爲孝心所感云後領道光乙酉鄉薦未及筮仕卒

方榮監生六十無子鬻一妾知爲良家女遣之精醫術施藥餌濟人里有爭者言無不解鄉飲舉大賓卒年七十二

增修諸城縣續志

孝義上

十五

劉華清幼有至性少嫻武略投河營爲外委能其職洵陞外北營守備兄貧迎署內養之鄉里往來者恒助以資斧在任未幾卒年六十一子懷樸庠生性澹泊無競人以橫逆相加弗校也手一編自娛好吟詠卒年七十六

劉濠監生性方鯁雖貴胄裔而儉樸自持無倨傲氣咸豐辛酉秋南捻突至慨然曰富者裏糧以避難貧者餬口將奚資遂出粟周濟之凡被裹脅逃出者保全甚衆逆氛退率族人築村堡捐數百千以爲倡不日王竣丁卯南捻復至衆推爲堡長矢公矢慎捻逆往來蹂躪入

其堡者皆無恙鄉鄰至今頌其德年六十八無病終
澣慷慨樂施凡歿無以葬及貧鬻子女者每傾囊助之
嘗委其戚屬掌賣債虧其貲取計簿焚之不使償
春林武生性孝友辛酉倡義禦賊渠河上一方賴以安
堵晚年與弟春元白首一堂以詩畫自娛卒年八十
喬林候選巡檢因父久病不肯仕居家侍養嘗奔馳數
百里求醫家素殷實以好施周急遂中落年七十卒卒
之日雖村夫牧豎莫不悲慟號泣

嘉林勤儉好施道光乙未春旱蝗躬率鄉人撲滅鄰村
咸傲其法蝗不爲災次歲大饑道殣相望出粟數十石
濟鄰人不足乃與堂兄喬林稟縣令假倉穀百石益之
至秋鬻產糴穀還倉越歲鄰人來償悉辭不受辛酉率
鄉人禦賊幾死賴鄉人力救得免卒年八十餘

增修諸城縣續志

孝義上

七

桂林前志長源子事繼母孝母患心疾醫藥罔效母不
食己亦不食後聞覺世經感應篇觀音經能解厄每昧
爽盥漱虔誦五十餘年日無間斷母壽至七十九歲
雲棟監生輕財好施歲饑煮粥以濟餓者冬買棉衣以
給貧寒死無以殮者予之棺村外河有廢橋兩處雲棟
獨力修之生平好義多類此卒年五十九

癸庠生候選布政司理問前志文燾孫辛酉賊至父松

齡年老不能逃變守侍賊虐其父哀求身代不許父子
同遇害長子聖恩襲雲騎尉早卒次子瑞圻廩貢生中
書科中書

李純忠學晟孫家世清貧所遺惟經籍書畫及學晟手
訂諸集遇荒年壘無一粟適有以重貲購之者純忠大
戚呼嗣子而囑之曰子老矣不忍以先人手澤謀果腹
子死爾勿忘乃父之志嗣子謹受命保守勿替卒年七

十三

溪清監生前志士健曾孫性和厚事繼母王以孝稱道
光丙申歲饑出粟二十餘石濟貧乏成豐辛酉春捻匪

增修諸城縣續志

孝義上

七

告警約鄉人禦於浯水上又出粟三百餘石以供費用
鄉人賴以安全晚年喜讀書手不釋卷教子振采振金
並補諸生卒年七十六

雲清與弟景清幼失怙同居五十餘年咸豐丙辰歲饑
有婦攜四歲兒乞食至村雲清與弟憐之留其子育於
家而爲婦覓傭工所其母子有贏餘輒代營運後二十
年爲其子娶婦置田宅俾迎母歸養焉

洪望景弢仲子也兄清望弟浚望皆諸生洪望性純懿
不讀書而行事悉中理景弢雙承洪望當別承一宗若
析產應自得其一兄若弟共得其一洪望年逾七旬清

望謂曰吾兄弟老矣子孫賢否不可知宜令自立其分
爨焉可洪望不應既而曰分爨實不忍言無已則三分
之吾兄弟各取其一兄弟從之繼以兄食指繁又與弟
割產讓之兄歿例降服弗忍期而後除

治清武庠生性剛毅處事公允里有爭者排解即息丁
卯亂官軍過境倡助餉粟二百餘石卒年六十時有王
居中者亦於丁卯歲助兵粟二十餘石乙亥歲饑出穀
三十石以濟貧苦

復望前志作哲孫嗣族叔君璇君璇早卒嗣母張氏年
八十餘辛酉擒匪至時復望年已六十負母逃中途遇

增修諸城縣續志

孝義上

六

賊與妻高氏子廷蘭廷藻皆相失身被數創負母力奔
而免

清望增生父早卒事母孝友于甚篤教胞弟入邑庠居
恒崇信義重然諾排難解紛鄉人敬之卒年八十七
徐懋前志文啟子性孝友胞姪貧分田給之睦宗族好
義急公素長營繕邑有大工邑侯必敦請監督籌畫不
遺餘力嗜書延名師課子若孫讀風雨暑寒不稍輟晚
年築園亭於別圃蒔花種竹以自適壽八十七歲終子
子瑜見列傳

杜監生性純篤敦行誼立義學延明師訓族鄰子弟多

所成就又設藥濟人歲祿捐粟賑饑全活甚衆巡撫經表其門子鎮東鎮邦俱武生亦好善樂施有父風從弟椒有孝行道拾遺必訪還之遇鬪者一勸即解其孝義素孚鄉里云

徐伯爲少失怙事母至孝讀書務求根柢取程朱諸儒理學宗旨身體而力行之與高密單爲濂爲總兄弟相友善知縣周壬福重其名聞於上憲屢聘不出家居事母母病衣不解帶者數年母卒結廬墓側獨居三年每食必焚香祭風雨寒暑弗少間服除值辛酉亂著鄉團練勇要規行之俱效曾爵相國藩具厚幣俛陳撫軍鯁馳書聘之未就道卒於家年四十九門人稱爲醒齋先生同治十三年學使表其門伯爲善古文詞工各體書著詩文甚夥兵燹多散佚

增修諸城縣續志

孝義上

九

尹璿監生九歲失怙恃哀毀骨立廬墓三年賴其曾祖側室吳得成立精痘科遠近嬰兒患痘者必親往診視全活無算餽遺拒弗受知縣汪封涓以功齊保赤顏其門道光乙未歲饑出粟助族鄰一鄉無餓孀居恒排難解紛息爭訟延師教子備極誠敬子輝宗耀宗俱成進士官京外請

封如其官興宗以廩貢考職孫曾皆讀書膺科名人咸

謂厚德之報云

孫斗南郡增生事親孝妹適翟姓病目不能務生理招養之俾終身無凍餒憂教子有義方長守珍舉人官知縣李官珍歲貢生皆知名年七十九終

宋恩父紹殷早卒母許性慈厚識大體夫歿後田產爲族人所據或謂盍直之許曰宋氏物仍爲宋氏有何直爲貧富有命忍令藐孤薄骨肉乎家中中貲樂施與值歲歉粗糲僅自給然常減己食以濟人曰吾半飽即無害以半救人不死吾志適矣恩既長能承母志家業漸豐自奉儉而施濟不吝常語子姪曰使吾治家如某某

增修諸城縣續志

孝義上

三十一

者所獲當數倍於茲人言吾好施吾非好施誠不忍吾母所不忍耳母晚年得痲疾起居飲食皆身任之數十年未嘗居宿於外也恩有疾病鄰里共爲祈禱其爲人所敬重如此年七十四卒子曰輝曰序

曰輝監生天性孝友父中年得肝疾曰輝寢必侍側出不越宿者二十餘年與弟曰序篤友愛白首同居曰輝只一子而曰序有子三曰輝欲令子姪均其產遂撫曰

序少子爲己子焉生平喜施與坐上客常滿里黨待以舉火者數十家繞門乞食者日數百爲羣性嚴正無賴者皆憚之有村媪來訴其子忤逆狀曰輝怒索之不得

夜忽向榻旁睡者批其頰其人驚詢曰吾夢某氏子來故責之也晨起人傳述以爲笑樂居恒好行其德敦宗族濟貧乏排難解紛遠邇皆稱誦弗置有行路者向族人某感述曰輝德族人歸述之曰輝亦不知其何許人何日事也知縣汪封渭周壬福舉善人藩司劉斯崑以倫常冠冕顏其門卒年八十六會葬者數百人子鎮嶠鎮嶠字員堂 恩貢生祖與父世有善行幼稟家教育至性束髮時即能得父母歡父老病目動履需人鎮嶠左右侍跬步不離母疾侍湯藥衣不解帶者二年鎮嶠無兄弟叔曰序有三子父欲撫少者爲嗣冀子姪異日

增修諸城縣續志

孝義上

三

田產均也鎮嶠窺父意代父作立繼文父見之大喜遂以姪鎮隆來嗣鎮嶠愛逾同胞以家產之半與之鎮隆殤視其子如己出知縣周壬福表其閭曰一門孝友咸豐紀元應

詔舉孝廉方正以手病未與 朝考年五十七卒鄉謚孝端先生子晏海辛卯舉人春海庠生

孫星字儷星歲貢生候選訓導前志御史必振六世孫父伯垵庠生早卒家中落母王延師課讀督責不少懈星亦刻苦自勵游府庠旋食餼中年遭世變絕意進取以課徒教子爲事仲兄岱鏐未娶卒母痛悼之每祭埽

必令星子沐庭往將歿囑曰汝仲兄吾所愛母使其鬼
餒而吾目瞑矣星泣受命因家產已於母在時與長兄
均分遂割已產嗣族子沐儼俾奉其祀性耽吟詠著二
蠹堂詩草又集禮記便蒙四卷惠後學無不稱爲長者
年七十六卒子沐庭庠生孫卿裕辛卯舉於鄉人以爲
積善餘慶云

王子欽前志汝瑤孫辛酉秋遇賊其子年於堡上遙望
見之急持械往救父子俱被戕至死罵不絕口

選登前志濤孫有詩名辛酉南匪入境母病不能移選
登守侍賊至索衣物不與責以大義痛罵之因遇害

增修諸城縣續志

孝義上

三

矧前志廣宇曾孫輕財重義歲歉出粟濟人甚衆族中
貧不能應試者資助之其他行義多類此

毓琨矧子弱冠游泮援例入成均候選訓導爲人廉明
重義慷慨好施喜藏書畫古硯羣從之賢者分賜之雖
至愛不惜族中貧者不時周恤卒後聞者皆墮淚長子
鳳岐監生性謹愿病遭母喪過哀死次子鳳誥監生家
漸替其待戚族猶能勉承父志焉

王善慶父甸候選州同孝友有隱德善慶幼稟家訓事
親孝與人交無虛僞浮薄習好施與道光丙申歲饑出
粟二百石助賑敦宗睦族修先塋葺祠宇義所當爲不

惜巨費教子讀書克成立居恒謙和退讓雖席豐依然
儒素辛酉亂助邑令守城晝夜巡防共其資糧屝屨焉
由候選員外郎叙功加四品銜子霖監生需河南候補
通判

王賁亨性樸厚有日照人率子行乞病且饑欲自盡賁
亨助之錢粟得不死家貧鬻女者子之直收養之歲稔
仍還其母以城工議叙按察司照磨卒年八十五
王錫鏘諸生性純謹篤孝友咸豐辛酉寇至團練鄉勇
晝夜巡防邑之西鄙賴以獲安居家訓子弟爲人排難
解紛遠邇敬服遇急難者力爲拯救年六十四卒同時

增修諸城縣續志

孝義上

三

築堡練勇保全鄉里者監生任梅堂及弟星魁大賓王
坤庠生竇瀛海監生楊青田王彤烈
王桂元邑增生嗣父武庠生錦遊宦歿雲南桂元家貧
無力迎葬因乞父執王士恒助資斧與老僕張姓偕往
有范道士者義其行沿途爲托鉢募食往返三年如一
日桂元卒負父骨歸葬後以研耕養嗣母及本生母甘
旨無缺道光十六年邑侯旌其門

牛綸吉邑庠生成豐元年公舉孝廉方正父青蓮歿哀
毀異常廬墓三年道光十九年
惠元田慷慨好施周人之急無吝色黃縣林某貸錢七

百餘緡察其困不能償遂折券光緒丙子後歲屢祲出粟數百石濟窮乏戶外丐者如歸市相謂曰歲饑如此微斯人吾等轉溝壑矣卒後子孫恪遵遺訓施食弗衰子錫華見列傳

永年幼孤母與兄相繼歿撫孤姪成立教二子入庠初母病垂危時諸醫束手潛割股肉和藥進母病不愈深自諱匿故世無知者

增修諸城縣續志

孝義上

五

姊有爲王氏婦者無子早寡羣從涎其富魚肉之爭訟久不決宴鎬力爲維持並耗已錢五百餘緡卒保全之澤梁介賓少失怙恃事祖孝撫弱弟成立德孚於鄉爭鬥者望而自散辛酉丁卯襄辦障日山圍務戎馬倥傯不失長厚氣度卒年九十四

楊時若字可齋歲貢生候選訓導少孤事母孝撫兩幼弟成立既各授室請與析爨時若曰先人遺業薄吾舌耕可以餬口爾年幼恐未能謀生以己田八畝推與之與人交坦夷無城府或面斥人過而退無後言舉鄉飲

大寶卒年七十

牛象謙監生國子監典簿幼失怙事母孝祖父有痼疾親侍湯藥三年教幼弟象恒讀竟嚴交濟嘗著勸學篇及勸孝歌陰騰文淺解以訓鄉里時有善人之目善隸書有隸字說又倡立惜字會自咸豐辛酉迄同治丁卯修堡防亂保全甚衆卒年六十九

宋康錫庠生性慷慨道光十六年歲浔饑解衣推食活人無算鄉里有爭鬥者力爲排解終其身一村無訟者隋遴吉廩生就教職孝友好施辛酉春捻匪北竄率練勇從崔邑令禦之渠水上丁卯賊又至劉爵帥銘傳提師追剿遴吉使練衆張旗鼓發巨礮作疑兵賊驚逸官軍縱擊獲大捷家故不豐親故貧乏者輒割產與之殍則爲塋葬地居恒以德化人終其身鄉里無爭訟者卒年五十九

增修諸城縣續志

孝義上

五

芳桂少勵學屢試不售益苦讀年三十二入邑庠第一因父母春秋高不遠遊菽水承歡無稍間設帳家塾子弟多成立姪文煜舉人子文灼庠生皆能紹其家學

齊景昉諸生性孝友喜任俠故事縣署辦差用車取之民間號徵官車民苦之景昉倡諸生請於知縣劉立石永革道光乙未歲大饑知縣汪委監賑局景昉親視煮粥餽餽竈間遠近就食者多賴存活監修學官倡修東

門橋梁皆親督工役不辭勞怨子廣照武生善騎射招族姪金鰲就學盡其道應兵部試登第由侍衛授安徽遊擊 馳封廣照昭武都尉

姜景甫字翰周績學力行有至性父病親侍湯藥衣不解帶者數月父歿哀毀骨立尤好義遇人有急難事輒輟己業代爲謀鄰人鰥無以治生質衣助之其人賴以存活有鬻女他郡者母思女病甚醵金贖歸其母母病尋愈分束金濟族人貧乏者歲以爲常辛酉丁卯兩亂分任守城備極勤勞事平邑令欲上其功辭不居以歲貢就教職平居教生徒務爲敦本崇實之學遊其門者

增修諸城縣續志

孝義上

三

多成就卒年五十六鄉謚簡穆

郭長慶幼有至性父疾衣不解帶者二年父歿哀毀備至事母孝撫兩庶弟友愛甚析爨後屢質地爲弟償債友人仕宦無資者助之不能婚葬者周之素精方術爲人療疾應手效餽遺悉不受子汝珂監生汝璉廩貢生均好善有父風

劉維綱從九品少孤嗜學事兄謹教授鄉里循循善誘素端方排難解紛人皆敬服同治丁卯勸捐兵衣不遺餘力生平急公好義多類此

維中監生性仁孝近族中貧不能奉祀者皆獨任之六

歲喪父與母鍾相依爲命嘗因事至親串家忽心動急歸馬蹶於河衣盡濕幸家人來扶之出則以母疾走告也道光十六年大饑邑令委監賑局稱公允復自煮粥食鄉人鄰里至今頌之

寶書性敦樸少孤事母孝母女弟孫貧而寡僅一女不能自存寶書迎養之女配名門姊楊家貧亦迎養之并延師教甥枚臣游庠辛酉亂憫族人遇害者出粟百餘石周之大兵過境捐棉衣數百件米數十石以助餉壽七十餘臨終命孫肇棠焚券計數百緡鄉人德之子沛霖監生孝友有父風早卒

增修諸城縣續志

孝義上

七

訓廣東鹽大使祿閣子祿閣卒任所貧不能歸訓與訓泣訴諸同僚得賻金百餘乃扶柩行時值捻逆亂南北道梗羈滯三載始得歸歸三日捻匪大至衆逃避訓與訓訓守父柩不去賊逼索金不予將火柩傾囊付之賊又至兄弟同死柩側賊憐之父柩獲免

王聯芳庠生辛酉亂舉家避難遇賊將殺其父聯芳乞身代不許因大罵擊賊遂被害子林書亦以救父死

吳俊升候選州同慷慨好施嘗於道光間捐田數畝創設義塾籌膏火脩金延師教鄉里子弟知縣周壬福名之曰道南義學咸豐辛酉亂與弟俊選團練築堡前後

出貲數萬金鄰村入堡者時出粟散給之保全甚衆
椿齡附貢歷署滋陽縣教諭兗州府教授皆稱職子麟
洲鶴洲麟洲湖南黔陽石門等縣知縣所至有政聲以
勞瘁卒於任年五十五鶴洲工部虞衡司主事性篤實
重友誼凡鄉鄰貧乏者求必應以長厚聞於鄉

張久成邑諸生性孝友樂施子父染痼疾親侍湯藥衣
不解帶者十二年父歿哀毀盡禮生平待人和厚鄰族
貧乏者必周濟之咸豐辛酉捻匪至族叔師燁父子同
遇害久成不避險危約族人葬之並護送其眷屬以逃
村臨衝衢自賊中逃回者皆贈以貲傷重者留養之全
增修諸城縣續志 孝義上
天

活甚衆卒年六十四

王叔重年十三補諸生屢困棘闈遂習醫施藥餌濟人
性慈善遇羅雀者輒買放之卒年九十六有祝莘者亦
諸生樂善好施與叔重有同志時稱善人

王汝舟庠生性至孝父有疾親侍湯藥衣不解帶者數
月父歿號泣連晝夜謂弟桂楷曰劬勞之恩未報萬一
母老矣此後奉養惟汝之責吾將侍父於九京水漿不
入口者七日遂以哀毀卒苦塊間時年四十四

劉澤東諸生性恢豁負氣節交遊多豪俠士咸豐辛酉
秋捻匪突至時承平久人皆望風竄澤東獨激勵鄉鄰

得數百人禦於石河頭村南通衢賊畏避石河以北數
十村幸免蹂躪平居教授生徒深以脂韋模稜爲恥精
岐黃術無貧富遠近求必應一鄉稱善士

劉方慶弟方毅前知縣之鵬雲孫家於諸兄弟友于其
篤同入郡庠每出必偕人見慶至即知毅之必來慶一
子毅無子而多女或勸之置妾曰兄之子猶子也焉用
置妾爲慶疾毅侍湯藥朝夕不離及慶疾篤毅泣謂家
人曰善事吾兄吾將爲兄祈命於地下已而跪縊於常
棣樹救之氣已絕矣慶聞之亦一慟而死子建封從九
咸豐辛酉負母逃難賊至以護母故遂被害

增修諸城縣續志

孝義上

无

郭宗睦諸生兄宗篤宦歿粵東時父雲臺猶在堂宗睦
與幼弟宗德迎柩返葬以慰親心道光十六年春大饑
設粥廠數月活人無算卒年七十二子鳳城由附貢納
貲爲郎分部行走父歿事母孝外祖母老且貧迎養之
姨母韓氏有子家赤貧亦迎養之爲其子完婚割房一
區地數畝書券與之後以母老乞歸終養遂病卒

邱仁東郡庠生性嚴重幼至孝侍父病衣不解帶者五
旬父歿哀毀骨立水漿不入口者三日兄早歿嫂氏

苦節三十餘年死無以葬仁東厚葬之撫其子如己出
設帳訓後進多所成就卒年六十六鄉謚孝義

苑桂林與弟桂芬同補諸生嘗捐資助貧乏施藥療疾
病素善醫求者無不應卒年六十九子蓮池郡庠生
劉佩琳少失怙恃撫三幼弟皆成立辛酉亂捐資練勇
衛鄰里丁卯修堡南山上保全二十餘村里有龍潭每
旱祈雨輒應且飲其水者沈痼立愈佩琳約殷錫崑等
釀金建龍神廟凡義舉皆首倡之七十四歲卒

臺鏃字蘊鋒前明舉人南陽同知存道裔孫生而穎異
孝友出天性幼雙承事父及嗣父皆篤摯父督課嚴恐
墜先世詩書業鏃刻苦自勵弱冠文名大振縣府試皆
列前茅卒以不合時尚不得志於有司連遭大故喪葬
增修諸城縣續志 孝義上 三

悉遵古禮服闋無志進取與堂叔祖正村孝廉課士家
塾族鄰子弟多成就晚年樂善好施不遺餘力素方嚴
見游惰子弟必勸戒每感泣愧悔而改行焉鄉諡孝誠
子衡汾

衡汾字仲儀附貢生性慈祥孝友任恤弱冠承家學早
歲知名游庠後奮志詩書屢試鄉闈薦不售晚年學日
粹寒暑一編未嘗少閒事親先意承志得父母歡與伯
兄友愛終身不異爨設義學以教鄉里子弟歲祔出穀
平糶辛酉亂率子弟籌守禦策以資捍衛卒年七十四
鄉諡公慤子叔梁由監生捐主事性簡重有父風卒年

五十九鄉謚簡定次柏紱河南候補同知

王謙諸生幼穎悟喜讀書父歿有田六十頃兩兄謀析箸謹告兩兄曰兄食指繁恐用不足弟得某村十頃田足矣某村者最磽确田也兩兄不可謙堅讓兩兄七應鄉試累薦不售工書仿米海嶽輒肖

劉慶雲性篤孝咸豐辛酉亂年方十九歲負父逃猝遇賊欲暫避諸莽中父不可罵賊不住口賊亂槍刺其父慶雲以身庇之槍透其背肝肺俱裂猶左右蔽父乞以身代賊憫其孝捨之去慶雲身被數槍血流徧體父挽之行里許創發死未幾父亦卒

增修諸城縣續志

孝義上

三

趙雲揚庠生父官於晉卒任所雲揚甫成童扶柩二千里外鄉人稱其孝長嗜學遨遊名山著五嶽圖說卒後鄉謚孝義

臧伯扶字秋園六歲失怙事母孝生平多義舉卒年七

十一

王學海性和易與人無忤鄰里皆稱善人事親孝咸豐辛酉秋賊逼近運糧山砦爲邏難計途遇賊念母妹猶在家急反奔不遇覓諸野母妹已遇害學海驚痛號呼揮戈擊賊戰不勝死之

何文章性孝友處世和厚家中不貲而慷慨好施歲饑

出粟濟鄉里粟盡質地益之遇人紛爭一言輒解甲負乙債將興訟文章代償之訟乃息後乙知爲何償也謝還之終不受卒年八十二

陳潛字學淵幼孤事母孝母病親侍湯藥晝夜不離側母歿葬後每日三次造墓號泣三年未嘗見齒鄉里重之有女弟二長適宋家道中落迎養以終次適王夫婦俱早歿遺子女俱幼潛收養之女爲擇配男爲完婚並置產焉處鄰里以德年八十餘卒鄉諡孝和

丁龍光庠生工詩善畫居恆以孝弟勸鄰里鄉人化之陳宗嶽庠生事親以孝聞樂道人善前修邑志多所表

揚

增修諸城縣續志

孝義上

三十一

陳繼志性孝友善排難解紛或侵其田即以所侵者讓之

介賓李作則慷慨好施見義勇爲祖塋祭田被族人盜賣作則出貲贖回卒年八十一

李學高議叙八品銜性孝友善息爭嘗施田爲叢葬處歲饑出粟六十餘石賑濟其餘善行多類此年七十三卒

祝欣五樂善好施道光閒歲饑盡出積粟濟貧乏咸豐辛酉亂練勇禦賊遠邇賴之子榮恩錫恩亦嘗於歉歲

出粟周窮苦同時有劉觀海孟毓武者皆以歲饑出粟濟人見稱鄉里

楊在機性和厚好義與人無違言讀書外無他好鄉里重之孫之材亦多義行

李凌奎事母孝待人以恕教授生徒以實學相敦勉貧者概不受費年四十即卒聞者惜之

增修諸城縣續志 孝義上

善琳不受費年四十即卒聞者惜之

李對奎事母孝待人以恕教授生徒以實學相敦勉貧

重之孫之材亦多義行

李亦錠出麻里汝義與人無欺肯贖書不無出汝縣里

齊人良傑縣里

出粟周窮苦同時有劉觀海孟毓武者皆以歲饑出粟

列傳第六

增修諸城縣續志十七

孝義下

前續兩志孝義皆分上下卷茲仍其例非有軒輊也碩德崎行接踵繼軌益足見風俗之醇美矣易曰積善之家必有利慶吾於都人士有厚望焉紀孝義下

竇可楠前志光鉞孫少讀書家貧事繼母王以孝稱辛酉搶匪至楠負母逃遇賊欲擄之楠曰從汝吾母何依賊怒割其一手而去楠起以一手扶母歸次日卒

楊維山性樸誠少孤事母孝母歿兄與析箸悉以腴田讓兄故城先農壇久圯維山倡修之卒年七十三子德

增修諸城縣續志

孝義下

春進士見列傳煥春庠生

高蔚桓從九品先世膠州人少失怙備書養母甘旨無缺中年始稍裕兄蔚楹家產蕩盡疊分田宅與之卒不保迎養終其身卹厥後卒年六十八子燭業監生亦孝友父歿時弟炯業十餘齡躬理家政資之讀從兄有遠遊者出貲助其子迎歸於三千里外

李錫少貧事親孝父患酒病歿祖父母又相繼歿一時當三大事幾不能謀養殮本生曾祖歿貧不能具棺殮錫獨任之養服第鏡終其身與兄同居年八十餘無間言鄰有急難周濟無德色中年家漸裕延師教子孫成

名壽八十四歲無疾終

袁樂莘輕財好義性孝友以醫術活人甚衆道光二十五年八月公舉善士

王貞玉武生殿甲子辛酉春賊至貞玉奉父母避難至安邱東屯父罵賊死貞玉身受數槍負母戰走力盡不能出重圍賊欲收之貞玉大罵與母同遇害

牛廷式從九品年十八孤父所嗜者終身不忍食事母至孝貧無葬地者捐與之所居村東西皆出貲修石橋以利人行時有善人之目卒年六十五

朱熙文監生孝友嗜讀書族人因貧廢讀者資助之且

增修諸城縣續志

孝義下

二

循循誘之性謙讓見義勇爲或侵其田置不理辛酉丁卯南匪入境捐金築堡備器械嚴巡防鄰里賴以無恐歲旱出粟濟貧乏鄉飲舉大賓壽七十九歲卒

高百原邑西鄙故家子父士藻屢應童子試不售乃之遼東隸瀋陽籍遊庠歸里生百原復之遼東舌耕謀食後客死百原時八歲聞父歿痛哭冀尋骸骨稍長丐以行由蓬萊登舟阻風島中幾餓死抵瀋陽訪其父門下士田得衆者導詣父墓一痛幾絕得衆資助乃以木匣盛骨負之歸旅次每飯泣奠登舟失足墮水賴舟子救之得不死抵里後乞貸營葬日號泣於墓側咸豐七年

邑合旌其門

王廷梅監生慷慨樂施捐田數十畝作叢葬地歲修法
淇河橋行人利涉鄰某以爭地致訟力爲排解不已乃
割己田畀之貧不能娶者助以貲壽八十六歲無疾逝
曹學彬武庠生候選千總豪邁能任事道光十四年歲
饑督粥厥實心任事活人甚多遨遊江南往來皆知名
士納一妾詢知有夫而孕召其夫還之不索值知縣劉
光斗修縣志任以督梓平生濟困扶危爲鄉里所推仰
藩司劉斯帽給額曰倫常冠冕

王心如監生性曠達喜施與隣里有求無弗應道光壬

增修諸城縣續志

孝義下

三

辰遊宦江南經高郵鹽城值歲歉道殣相望盡散資斧
給乞食子女子相隨不去不得已載與俱歸歲豐悉
送回籍居恒濟人貧困雖破產蹈水火不辭卒年五十
九

張世純性至孝少失怙事母謹居鄉正直見義勇爲卒
年八十六子化南孫漸達俱增生

從九品李希曾少失怙事嗣母以孝稱慷慨好施與族

黨不給者助之道光丙申歲大饑出積粟散鄰里存活
甚衆至戊戌春潛然語村人曰吾力竭矣萬一歲不登
可奈何至秋大稔僉償借粟悉卻之無德色辛酉春拾

匪至避難於石龍山以儲粟運山上爲固守資鄰里賴之築屋數間聚族黨子弟延師教讀多所成就卒年五十一

馬立勲幼孤事繼母孝鄉里有紛難輒爲排解之族人窮無依者周濟之道光二十二年知縣唐際中以德隆枋社額其門鄉飲舉介賓卒年八十二

鍾瑜以懋遷起家慷慨好施嘗遊江淮止逆旅聞鄰舍哭甚哀詢之云年荒負債金二十子遠出不返姑將鬻婦以償而弗忍離也瑜心惻出三十金與之姑婦伏地感泣聞姓名卒不告而去年八十餘卒

增修諸城縣續志

孝義下

四

鍾連少孤伯父撫之成立伯有子四人會析箸連泣曰伯家兄弟四人而連只一身何忍獨厚而令諸兄弟薄乎乃五分田產連取其一焉

布政司理問銜張儀廷純良恂謹寡言笑重義氣宗族鄉黨間排難解紛不遺餘力

柳智性孝友讀書曉大義事親備極色養兄弟同居六十餘年家百口雍睦無睚眚狀晚年於祖塋側建先祠立義學延師教貧不能讀者歿後鄉人立石以誌其德

馬

孫純樂善好施客民趙姓負母攜妻子沿門乞食純憫

之贈錢四十千其人拜泣去丁卯夏捐貲倡修圍堡隣
村避賊者恃以無恐歲饑出粟濟飢民全活甚衆
監生郭元宰少失怙事母以孝稱精醫術求者不以貧
富介意卒年八十鄉諡孝定

王煥性至孝年七旬父母歿已四十年每道及淚輒泫
泫下好施予婚葬無力者助之道光丙申歲大疫煮粥
活人道殫暴露者掩之所居村有小埠古碑孑立字皆
泐惟存瞽孝子石大有六字瞽孝子廬墓者也事載前
志王永宜傳碑後卽其墓一日忽塌陷煥督工填築之
以存遺蹟年八十舉鄉耆道光二十一年卒

增修諸城縣續志

孝義下

五

孫汝讓監生事繼母以孝稱樂善好施至孝不倦道光
甲午乙未歲饑貧窶者多賴存活卒年八十二

冷成從九品性剛直篤友于兄弟析箸後又以已產與
兄爲人排難解紛凡義舉無不竭力籌畫卒年七十二
子中和性伉爽多智略咸豐辛酉練勇築堡出粟給鄉
里捻逆至同弟天吉身先率勇冒雨防守同治丁卯冬
賊臨堡下中和率勇固守日夜不懈礮斃悍賊數人賊
遁去東南賴以保全

尹忠可監生鄰里不舉火者必周之嘉慶丙寅同于斑
西丁衍章修濱口天后宮捐地十畝爲香火資卒年七

十六子隆基監生有父風道光十三年歲饑出粟煮粥活人甚衆常施藥以救疾苦卒年五十

王可揚性孝友好善樂施甲申歲饑煮粥濟貧乏施義

地六畝瘞枯骨村東舊有紀公祠久頽矣可揚捐資重

修又施地五畝供香火立碑垂永遠創建文昌閣關聖

廟義舉不可殫述卒年九十四

王銘思字敬齋附生鄉飲大賓辛酉春督勇防河與胞

姪幹林曲盡心力至秋率族人修堡一村賴以生全精

醫尤長幼科常自攜藥餌按戶尋視活人甚多壽至八

十五歲

增修諸城縣續志 孝義下

逢光廷鄉飲大賓親歿廬墓三年鄉里重之六十六歲

卒

張象楨 恩授八品銜幼孤家甚貧十二歲為族人牧

牛有破氈帽藏密處歸必視曾不爽衆疑之乘其出牧

匿他所牧歸倉皇莫措淚下承睫呼之食不食衆曰此

何足惜泣曰破帽固無足惜先人忌日單藏其中豈可

失乎主人異之厚待之後薄有所積歸家立業教子成

名卒年八十二子師庶諸生家貧力學有文名生徒多

所成就性嚴正凡治家睦鄰悉遵父教鄉黨皆矜式之

鄰族貧而從學者多不受費卒年七十二

逢涵暉家頗豐五旬無子堂弟涵春貧無妻傭工自食
涵暉收養之爲之娶婦生三子涵暉皆視如己子其妻
丁氏亦賢淑與涵春夫婦同居和睦如一家涵暉性和
厚平素濟困扶危鄉里有齟齬者力爲排解人亦無不
樂從

任萬址性孝友年十六母欲爲娶婦萬址請成名再娶
母嘉其志萬址晝夜攻苦值辛酉亂舉家避堡中萬址
欲省孀姊王於膠州母不許萬址曰兒念姊心切且往
返百餘里一日卽返耳母諄囑速歸遂蚤行至姊所王
姓素好武共籌防堵萬址勸姊速避姊期早行鷄鳴賊

增修諸城縣續志

孝義下

七

突至王姓百餘人戰村外傷賊數人賊稍卻少頃賊大
至圍殺王姓四十餘人萬址亦遇害年僅十八

任九齡少失怙恃鞠於兄嫂及長齋力兼人兄嫂爲之
謀室辭曰薄田八九畝豐年僅免飢寒何堪再添食指
且弟年甫二十再十年娶未晚也竭力操作夏鋤田冬
織席皆兼三人業家少裕咸豐辛酉南匪至舉家逃避
九齡與從兄懷門焉見賊至前與鬪懷匿積草中聞九
齡與賊喊殺聲若巨雷斃賊數人賊蜂擁至力盡死

介賓王茂璿性孝友親及養其叔終身每酒醺時與弟
玉友誦常棣以見志年逾五旬與弟同居弟歿撫猶子

如已出凡弟之子女婚嫁皆力爲經畫家中落而戚郤不給者必周恤凡義舉必首倡六旬餘舉一子至今猶與弟之子同居遵遺訓也卒年七十五

謝廷鉞監生篤孝義幼失怙與弟廷鑑廷欽廷鈞事母孝丙辰秋旱傷豆禾請於母免佃戶一年之租辛酉南匪至奉母命出粟四十餘石錢千二百餘緡分給族鄰爲避難資賊退與王作霖等築堡桃園村先出貲爲倡堡成每年捐錢數百緡以備公用辛酉丁卯兩亂保全甚多以積勞成瘵卒時年三十二

盧錫範監生性孝友好施與女弟嫁張毓篤貧不能給

增修諸城縣續志

孝義下

八

錫範畀錢五百緡俾貿易姪壽春幼聘王氏女王以歲饑鬻女昌邑錫範給壽春貲訴於官得完娶道光甲午歲饑出粟賙貧乏戚屬無依者迎養之鄰徐姓兄弟五人皆失業錫範代籌畫俾食其力獲小阜佃戶范某貧鬻妻子女環泣錫範出貲贖回俾完聚生平輕財好義多類此

張隨監生性孝友童時父被酒中夜思茗隨早立榻前奉盞侍凡所欲必委曲致之稍長兄弟析箸挽幼弟同居悉以精美者推與之四十年如一日善爲人息爭每出貲助人婚葬村外有義塾隨時爲經理買田八畝刊

石歸美於羣從而己不居其名年六十四卒
孫汝礪性孝友母病瘋轉側需人汝礪左右服事晝夜
不懈時弟汝礪在襁褓命妻乳養至成人後與析產無
所私有李姓女許字未嫁歿汝礪勸其夫家迎葬焉設
家塾課子弟並教鄉鄰之不能讀者
馮彥儔宣子也宣歿家中落日形拮据彥儔出嗣得田
三十餘頃乃與兄弟三分之知縣劉光斗上其事大吏
以倫常冠冕額其門

柳宜以孝聞素通醫術常出藥餌濟貧病又嘗捐沃田
四十畝爲同族修祠道光十五年知縣汪封渭以敦崇
孝義額其門卒年六十九

增修諸城縣續志 孝義下 九

孫捍庠生事親孝立行端方戚族中貧而從學者皆不
受其贄胞姪錫類幼孤分已宅園之半與之歲大饑族
中貧餓者賴以全活
楊書田孝友端方慷慨好義里黨有善人之目光緒二
年春亢旱饑民搶掠書田首倡出粟以贍貧者合村賴
以全活族人不能婚葬者出貲助之年六十四無疾終
姪錦鈞廩生少穎悟敦友于重然諾事繼母孝弱冠入
邑庠屢試高等食餼舉優精制藝尤工詩賦有遊山詩
草見者曰可傳不在多卽此足矣教讀鄉里貧者不受

束金士林重之年三十二以疫卒於歷下

劉仲林辛酉秋負先人木主避難至高密境遇賊賊疑其負財也掠之堅不與身受重傷抱木主死

劉揚明父歿廬墓誦經三年不輟

劉繼燿父歿遼東繼燿聞訃卽奔赴傭工年餘積資與

父櫬歸與母合葬焉

趙汝輔爲人端方好義丙子歲饑出粟二百石救餓者

活人甚衆鄉里德之卒年七十

殷桂通醫術貧不能療者施以藥餌貿易值荒歲負債

者不能償悉招其人出券焚之由是家頓落至經日不

增修諸城縣續志 孝義下

舉火年八十七無疾終

焦壘性謹愿奉佛誦經不茹葷酒又喜談因果凡戒殺

放生造橋修路諸善事必汲汲爲之家不中貲每以周

急卹貧致室人交謫弗顧也晚年行益力時稱善人

孫孝覈光緒二年歲歉出粟濟貧乏活人甚多又善爲

鄰里息訟人咸服之卒年七十四

介賓董象琚好施與有善人目第象玳出繼胞叔家中

落糲餼不給象琚招養之飲食與俱均壽八十餘終

韓友少貧入嶗山爲道士後歸父母相繼歿哀毀躃踊

廬墓數年負土成巨塚邑人臧仲陽嘗以詩詠之

陳青田武生聞胞弟玉田鬻產急措百金贖回執券付
之田內有數古冢每清明節必遣人封築卒年七十一
劉恆機辛酉秋亂負老母奔數十里獲免於難登萊被
擄逃回者遇之必助以貲斧晚年爲善益力常印功過
格感應篇以勸人卒年七十一
諸生張桂齡性孝友喜施與歲歉與弟桂芬出粟二百
餘石按戶分給一村賴以保全卒年六十
劉成文幼失怙恃性長厚每出粟濟貧乏負不能償者
輒焚其券卒年六十九

增修諸城縣續志

孝義下

十一

郭懷西監生以父多病棄儒而醫每侍湯藥不解帶村
有觀音堂捐地數畝增修關壯繆廟塋墓絕嗣者歲時
修築兼致祭焉年七十九卒弟宗文少孤事母玉以孝
著卒年八十景唐候選州同父母歿事生母田委曲肫
摯辛酉亂侍田避山中途遇賊時田已八十餘矣景唐
負之行得無恙卒年六十八

祝用履少失恃事繼母孝父故與弟析遺產以沃壤及
居宅讓之

葛紹宗武庠生事親孝親歿食必祭出遊必叩墓前性
廉靜足不履城市者四十餘年胞伯肇嵩家富無子應
嗣紹宗紹宗讓其兄文沆族衆不可遂棄家遠遊不歸

監生王宏基孝友輕財好施歲荒出粟周貧乏不足稱
貸益之尤精醫貧病無力者施藥療治邑人劉喜海偕
諸名宿爲立綽楔製錦稱觴焉壽八十二歲
從九品范慕愚辛酉亂護母與妻衝圍出賊追至母與
妻死之慕愚奮勇入重圍殺十餘賊力竭死
武生孫耀東技勇超羣成豐辛酉擒匪至與弟竇椿扶
母避且戰且走者十餘里力竭槍折死同遇害者附生
王子鈴馬駮馬永灼王鍾瑯魯喟耀東入祀忠義祠
孫良傳性至孝十歲喪母哀毀如成人設教鄉塾門下
士多所成就爲人排難解紛一鄉稱頌

增修諸城縣續志

孝義下

十三

劉悅霖弟悅儒辛酉八月擒匪至負父南金逃至高密
水城莊遇賊南金被創幸不死霖儒救父同遇害後其
家收儒尸葬之求霖死處卒不得

郭秉鈞素驍勇辛酉亂糾衆三百餘日習戰陣八月六
日賊至奉父宗理率衆防堵賊刺其父秉鈞直前救護
遂被殺一時同死難者李清荷郭滅臬郭成恩郭喜王
蘭馨張吉于忙趙大順

范濂有至性事母孝精醫術以母老不忍遠出六旬餘
猶嬉戲膝下如兒時母卒哀毀成疾逾年卒
孫錫純持躬謙和有犯者弗與校少失怙恃處兄弟以

讓家僅中貲而慷慨好施年饑遊遼東遇同行者缺資
斧傾囊助之歸里後嘗鬻田以贍族人設教鄉塾值友
人欠糧被拘以束金八十緡助之度歲無貲貸錢四十
貫值鄰人負佃租將被逐卽慨與無少吝辛酉秋聞警
約鄉人築砦石龍山遠邇歸依保全無數年五十三卒
葬之日親族哭失聲其厚德爲人所稱云

增修諸城縣續志

孝義下

十三

請於曾釋二女歸後存基逃至安邱土人疑爲賊刃將
加矣存基自呼名仰天而歎忽一人至急解其縛邀至
家待爲上賓詢之則所救女子之父也基懼之愈甚
李廣仁前志輝子輝曾爲異母第三人贖其賣產輝歿
後三人復有鬻產者廣仁繼父志仍爲贖還弟博仁增
生與廣仁同居數十年博仁歿廣仁慟得疾不數月亦
卒年五十四

劉桂英性純孝辛酉秋捨匪至境年甫十九奉雙親避
難親老不能行二親又不能並負逡巡遇賊以身護親
受重傷已奄然就斃矣呼天祝曰但得須臾不死得保

雙親死無憾遂奮力送負二親行甫至鄰堡安置二親力盡身頽傷發死妻訾氏時年二十六夫死越二月生遺腹子熙廷孝謹有父風

薛天順親歿廬墓三年耳不邪聽目不邪視髮尺餘而不鬚咸豐十年旌

劉步雲咸豐辛酉八月賊猝至父績方被酒步雲急負以行匿於村外豐草中賊揮以戈績大罵賊怒刺之步雲左右翼身中十餘創猶呼曰吾父醉乞殺余賊去步雲死無何績亦死

張巽少孤事母孝母疾侍湯藥不離側辛酉避難負母不能疾行賊追及之身被數創猶負母出重圍而免

增修諸城縣續志

孝義下

十四

蔣立誠母早歿事父孝躬耕奉養每飯設雞豚必手調以進自率兒輩啜粗糲後家漸替無斗石儲猶以衣付質肆供父沽酒貲父怒必長跪受杖喜乃己年三十餘忽大病悵憤中歎曰吾死誰與養吾父者因泣下越數日皮盡脫竟瘳人以爲孝行所感父年八十餘卒立誠悲痛盡禮三年不茹酒罕有見其笑者卒年七十三

李同文父夢塘武庠生母彭氏見節烈傳同文性孝友辛酉亂負母走五里許賊追至同文挺刃斃一賊賊環刺之與母同遇害時年二十一

宋垌繼炳子辛酉遇賊賊刺繼炳死垌亦刺殺賊賊圍之垌亦死

魏秉周辛酉捻匪至行寺村殺人甚衆骨骸暴露周盡掩之光緒二年饑自儉衣食分穀數十石以助孤貧鄰里稱爲善士

許清槐遇辛酉亂棄其妻子負祖母而逃

李宗賢辛酉八月負八旬母避難行數十里傷足血殷其履行不止賊望見之曰孝子也已而伏荆莽中後隊賊搜得之逼棄母負紕否則殺其母宗賢懼從之行旣遠奪槍刺賊賊怒殺之

增修諸城縣續志

孝義下

十五

李書田敦孝友母病親侍湯藥衣不解帶歲饑施粥貧民賴之卒年六十五弟書年亦好施出粟振饑活人無算卒年七十

李澄家僅中貲而樂善好施胞叔貧不自給奉養終其身弟滇姪培森皆孤貧爲之授室謀生計與胞弟析箸時以弟食指繁讓地十畝道光十五年春饑出粟貸鄉里不能償者焚其券卒年六十一

劉江農家子咸豐辛酉亂父全德母丁氏俱被擄江號

泣往救遇害

趙明威家貧饔飧常不繼事親孝父母歿無力築廬衝

風雪晝夜守墓三年不至家日負土築塚雖風雪中必拜跪誦經鄰里敬之

尹廷韶年二十餘聞父死遼東求族鄰得錢數千浮海赴瀋陽負父骨歸葬事繼母石以孝聞時有同族尹天

臣在關外老不能歸廷韶又往扶之歸里

趙華齡議敘八品銜忠厚簡默事繼母曲盡孝性仁慈衰老貧乏者周濟之鄰里多賴以生活年未五十卒人皆惜之

宋全貧家子以賣饅頭為生每出必使父母先飽道光十六年大饑乞食養母已常忍饑妻子竊食必痛責之

增修諸城縣續志

孝義下

七

親歿每食必祭其孫彩林今尚存

農人劉延年辛酉亂賊刺其父延年左右翼死於亂刃

郭成杲與從弟從恩在牛溝莊練勇聞賊猝至恐母遇

害急歸救護路遇賊且戰且行同遇害

邵木丁卯秋負母避賊賊驟至奮身護母遂遇害

周福元農人也幼失怙母楊氏年甫三十苦節自守福

元能得母氏歡妻子偶忤母即加斥責母年逾六十有

日疾侍奉不少懈咸豐辛酉南匪入境乃棄妻子負母

逃鳳凰山足指俱裂亂後尋其妻子皆遇害母歿經年

無笑容天性純篤人咸稱之

瞽者周林孝於父母每處喪與妻異室未嘗見齒辛酉
搶匪入境林仗義罵賊被賊腰截死聞者惜之
魯小階與妻胡氏奉父母逃難至膠河遇賊小階使父
母前行自禦於後遂被殺父母獲免胡氏見夫遇害罵
不已慘死

劉八十農家子居城南隅家甚貧其父隨同邑孫景元
之四川又去而之陝歿於陝八十時方二十歲得凶耗
痛不欲生遂稱貸以往負親骸骨乞食歸

張小妮年十七遇辛酉亂奉父避難賊欲掠之逼棄其
父小妮不從賊殺其父小妮救護亦被殺

增修諸城縣續志

孝義下

十七

柳方域性直樸家貧傭某家三十餘年某重倚之辛酉
亂某家皆避賊方域門焉賊於倉後搜得之曰村落虛
無人子曷弗逃曰爲主人守門戶也使執炊見賊毀主
人器物輒勸阻賊嘉其義舍之去村寺傾頽方域捐所
蓄備金倡修之廟貌一新鄉人爲立碑志其事

王良臣父丕綱歿於關外良臣號痛往尋得其墓於亂
山中掘視之骸骨依然解棉襖裹負南旋越山渡海二
千里晝夜不離身歸而以禮葬焉

王瑄父耀邦娶未週歲卽遠遊越數月而生瑄四十餘
年不歸有遇諸遼東者歸爲瑄言瑄卽辭家浮海兩閱

寒暑始與父同歸父己年近古稀矣鄉人稱其孝

李允升家貧傭爲賈光緒丁丑歲歉收饑民滿道允升出傭貲糴粟復勸主人出粟周濟之活人無算衆爲立碣表之

王廷貴爲人傭辛酉亂攜主人衣物入城途遇賊以槍刺其腹乃一手搯創口走三十餘里抵城衣物交主人創發死

王福成丁建榮僕也從主夫婦避賊山中途遇賊主夫婦死於難遺子女俱幼福成抱負提攜突圍出其女牽衣號泣福成揮之不顧而逃賊退福成歸備殮具葬其

增修諸城縣續志

孝義下

十八

主夫婦如禮焉

劉效李姓僕辛酉南匪至負主人子希堯奔遇賊掠希堯效奪槍刺賊賊大至主僕皆遇害

李紀崑楊之材僕也主母王孀居爲持家計者二十餘年辛酉亂鄉居者幾難自保紀崑維持其間轉若未嘗遷徙者而紀崑家固貧乏如故也有陳忠奎者亦楊氏僕共紀崑經理主人事財物皆不私撿匪至攜主母九歲子竄伏山谷中竟免於難鄉里多之

列傳第七

增修諸城縣續志十八

人瑞

孔子曰仁者壽道德指歸論曰爲之行之與道爲常執之守之時日聰明自然生息動合百祥言爲善之必昌也茲將德行素著五世同堂及壽屆百齡者名曰人瑞前志以寥寥數人附於孝義傳後茲另爲一門仍序孝義之次

王培豫字立齋性嚴正品行端方有勸孝歌訓鄉里年近期頤精神不衰壽一百二歲無疾終

臧宸棟字雲亭浙江嘉興府經歷年八十一生元孫五

增修諸城縣續志

人瑞傳

世同堂知縣張曜以熙朝人瑞額其門卒年九十四子

五長子輝庠生孝友詩書世其家卒年七十五孫從九品鳳藻等十一人曾孫庠生枚臣舉人毓臣等二十五人元孫著官等十三人

王璲監生丁卯亂衆推爲團長年近八旬撫綏防禦深得人心叙功加五品銜壽八十五歲無疾終元配王氏治家有法事姑孝繼室丁氏八十二歲得元孫五世同堂壽八十四歲子二毓琳附貢生候選訓導以小三元入泮忠厚直率性純孝年六十餘猶事父如孺子事繼母尤謹毓珩監生以醫濟人孝行尤著

李光春幼喪父事母孝喜施與從孫樂榛盲目給田宅
爲娶婦以延宗祧鄰楊遺孤十歲伏破罌中饑瀕死收
養之長爲授室歲荒鬻女者及笄嫁之鄰里貧乏者恒
賜之官軍追賊過境捐棉衣百餘身卒年八十四妻張
氏亦好施壽九旬餘孫曾繞膝五世同堂子學高事親
孝純厚有父風

管澤漢字漾東武生幼讀書識大義棄文就武得射法
真傳安邱鞠殿華提督其門下士也其他習射登第者
指不勝屈壽近百齡五世同堂著射學淺說習射者多
師之

增修諸城縣續志

人瑞傳

二

鄉耆王宸玉性坦易喜怒不形於色家貧處之晏如卒
年九十六其配陶氏越二日亦無疾卒年九十有六允
稱偕老云

鄉耆王森性好善戚族死無所歸者助之葬地鄰有死
亡者厚貲卹其妻子及其子長爲娶婦授廬焉卒年九
十三五世同堂元孫七人子文炯鄉飲耆賓辛酉丁卯
兩難倡築山砦捐置槍礮資捍衛鄰子殘疾無依收養
之教習捆織業三十年產塚中人丙子春歉鄰翁某無
依文炯招之共飲食久不懈歿殯之年八十二卒亦五

世同堂

齊崑字玉山少貧性謙和治家勤儉一子四孫皆誠篤有耕讀者有入武庠者年近八旬曾元十有五人五世同堂學使者表其閭卒年八十六

車禮敦朴力農子姓繁衍至百餘口六世同居家庭雍睦無間言年八十餘卒鄉里稱之

鄭泰來五世同堂卒年九十一

王煥彬性謹愿鄉里稱長者卒年九十七親見元孫九

齡五世同堂

閔瑗母馬氏壽屆百齡五世同堂孫曾十餘人或讀或

耕或業賈一門雍肅終歲怡然

增修諸城縣續志 人瑞傳

三

王錫範字樂真性坦率慷慨好義鄉鄰有爭者必爲和解父老而鰥卧病二十年中裙屣皆自洗滌五世同堂邑令表其門

王錫鏞字珠浦務耕讀居家勤儉年九十五子二孫六曾孫十一元孫一五世同堂人樂稱之

鍾輝監生持躬嚴肅里中遊惰者皆畏之尤好施戚族中多賴以舉火者壽逾八旬精神矍鑠五世同堂人皆

謂樂善之報

楊喜年逾百歲步履尙不須杖面有寶光

王磚壽一百一歲無疾終

臧華壽八十九歲五世同堂學使表其門

王之祥壽九十八歲五世同堂

臧渠年八十四五世同堂

楊克勤年九十二五世同堂光緒九年學使者以一堂

豫順顏其門

封永清子百川孫煒臣曾孫培城元孫錫恩五世同堂
從九品丁景林年九十一歲五世同堂

孫懷蓉年九十餘尙健以勤儉教子孫以施與周鄉里
生六子或耕或讀一門雍睦五世同堂子姓繁育至七
十餘口

增修諸城縣續志

人瑞傳

四

鄉飲耆實陳耀明年九十九五世同堂

王溱字逢源以孝行聞於鄉壽一百零二歲

王金鏞年八十二歲五世同堂

陳啟明壽百餘歲七世同堂

尹克勤壽一百零二歲 恩榮六品壽官

直隸河工同知寶喬林耆民丁鎬王樾齊聖緒徐漢鄒

文海王璠薛振東鄭克儉隋越忠劉元春趙青雲王玉

麟曲本德均登上壽五世同堂

王文輝壽八十八歲五世同堂

魏華壽八十八歲五世同堂

一行

德隆望重之士悉載諸孝義傳矣其一藝擅長一善足稱者必表彰之不使等於沒世無聞昌黎有言占小善者必以錄名一藝者無不庸此一行之所以傳也

李錫蔭慷慨有義氣會知縣周王福編查保甲錫蔭襄其事井井有條王福製序贈之稱其有古善士風

王維金性仁恕收養乞食子女及長令其父兄攜去晚精醫術乞藥餌者門如市貧者就醫不索酬愈乃去

丁毓禮字芭泉性謙和以德化人鄉鄰有爭者望風避

增修諸城縣續志

一行傳

鄉飲舉介賓

王藹吉字鳳梧增生有智略同治六年捻匪突至村堡傾圮衆皆束手無策藹吉協同團長飭財鳩工兩晝夜而堡牆完整一村賴以生全卒年六十二

劉殿杭字豫章爲人輕財重義里中事悉就決辛酉賊至牽牛攜衣物入堡適鄰人有一牛懇牽去途遇賊牽二牛不能疾行乃舍已牛牽鄰牛入堡其行事多類此壽至八十三歲

王步亭幼業儒屢試不售歲大饑有鬻女者收養之後皆爲擇配卒年六十五

監生張來城道光十五年秋五穀不稔獨蕎麥豐收來城盡以所獲蕎麥分給鄰里賴以生活者甚衆卒年八十子錫齡亦樂施

孫彤恩監生善醫術爲人療疾不受謝有必欲饋者則怒曰吾行吾志耳豈望報哉

鄭雲坊字立州性謙讓或侵其田則曰所侵無幾卽以此爲界可也尤精外科常以藥濟人卒年八十九

張岳南性樸誠忠厚待人歲歉出粟煮粥施貧之一鄉稱善

趙瀛監生世居門鷄臺下嗜酒好義村當渠流之衝波

增修諸城縣續志

一行傳

二

瀾浩瀚行人病涉倡捐資修木橋三十餘孔遐邇賴之

...

...

...

方技補遺

周汝彬乾隆初年居伏留村性樸誠不苟言笑精數學尤邃於易年三十餘得異人傳授療疾病占陰晴卜豐歉以及察地理決疑難多奇驗醫病但觀氣色不遵脈訣酬以金拒不受壽七十三歲無疾終今其墓猶呼為周神仙墳云

臧應詹字枚吉莒州訓導承曾父十五補諸生以母老多病習越人術晚年益精遠近目為神醫其治病神奇變化不拘成法而所投輒效一時名醫多出其門

增修諸城縣續志 方技補遺

...

...

...

...

...

...

...

...

...

